

陝西橫山縣志
二卷

民國十六年

陝西橫山縣志

于右任



橫山縣志卷二

名宦志

知縣訓導有政績者均詳之故志茲將父老所傳說與所身見者十餘人具以所聞者稍列其行事

清

何炳勳 字保如浙江山陰人進士出身道光十八年除剛介不阿愷悌愛人勤於政事蒞任既久洞悉民間疾苦於地方利則必興弊則必革實事求是民頌青天繼蘇公之後重脩縣志闕者補而遺者拾踵事增華續編乃成立縣以來第一循吏也尋以卓異歷擢榆林兵備道加鹽運使銜一時澤流閭井勲紀旆常百年來景仰德行猶膾炙人口耳

王國立 河南人同治十一年除秉質仁厚官方廉明邑遭花門亂後瘡痍滿

橫山縣志

卷二

一

榆林東順齋石印

目公下車伊始諮詢民間疾苦與祛洗之一切興利除害與民更始去時士民泣送咸攀依馬首幾不得行遺愛之風於茲未艾焉

胡元照 字曉滄直隸正定人翰林院庶吉士同治九年除文采風流賦性清潔御史治民不責於人情之外凡所施行迎刃即解蒞任數載造就寒士子惠元元治績卓著後擢綏德州口碑載道洵循吏焉

李嘉謨 字廣伯河南新蔡人舉人大挑一等光緒元年除刑清政簡栽培儒林閒暇校課生徒捐廉獎勵學務蒸蒸日上三年飢饉洊臻餓殍載道公捐輸富戶米穀二千餘石活民數萬群蒙再造之恩雖白叟黃童沒齒難忘調任時行李蕭條身無餘貲士民懷恩刊贈懷遠鴻爪一冊詩曰樂只君子民之父母其斯之謂歟

顏豫春 字建侯甘肅皋蘭人起家進士光緒五年除博綜載籍以文藻有聲

政暇校藝譚經輒娓娓不倦學者皆師事之尤愛民如子不事刑威有長者風焉

李正心 字子端河南人拔貢朝考一等授懷遠令剛介自持不避權豪聽訟廉明遇事即決興復巖綠書院勤校生徒廣廈宏開寒士歡顏為學校之發軔厥功偉矣

李士塏 字爽階湖北嘉魚人進士光緒十二年除天資英明學問純粹政尚寬簡工於詩文士子攀鱗附翼負笈於門者實繁有徒數載甄陶文教稍有起色竟於十五年正月偶罹暴病終於官卒之日士民弔奠流涕如喪考妣於茲猶謳思之

王策範 字子疇湖北武昌人進士十六年除廉潔果斷迅若神明奸猾屏跡四民愛戴橫邑自遭徇氛後縣署焚燬聊避風雨歷任視為傳舍公下車後請

橫山縣志

卷二

二

榆林東順齋石印

款重脩慘澹經營期年全署煥新且於地方公益事宜補濟良多人稱賢宰焉張祥齡 字子馥四川漢州人以內閣中書殿試改翰林院庶吉士截補懷遠令倜儻風流博覽經史不拘小節尤工書法少讀公羊春秋傳專志精研政尚寬仁深愜輿情後理案牘前授生徒銳意新學不談制藝一時士風大振尋調任大荔縣有政績惜才非百里究未展其驥足後卒於任士大夫每感慨係之秦駿聲 字惺予河南固始人以舉人歷知南鄭耀州宣統三年調補懷遠廉慎明敏禮賢愛民扶善鋤強緩賦均役值民國反正洪漢軍聚嘯縣城苛索商旅閭閻騷然縣境風聲鶴淚危如累卵公日夜焦灼陽加籠絡賺其出境民團數千長圈兜圍全數勦滅闔縣始易危為安實賴公胆識兼優剿匪得法之力也嗣以親老歸養致仕之日士民攀轅借寇如赤子之離慈母輿情感戴公立去思碑於縣南門

李世英 字隸生湖南湘陰縣人民國元年七月除剛明有斷吏無敢欺興學勸農激勵風俗去明民懷德政攀轅甚衆

楊仲傑 字芳村陝西平利縣人民國二年除天性剛介廉明勤慎賞罰公平遇事果決橫邑地瘠民貧萬事叢脞公視事年餘銳意整興不遺餘力籌措鉅款脩農會以興實業辦警察以保安復繕脩城垣擴充學校以衛民生而培人材與五堡國民學校籌基本銀二千兩又捐廉助脩城樓三所種種政績深得民心

楊翰藻 清澗舉人同治十一年除品格端方學問精純勤學善教歲無暇日士子肄業於門者多蒙造就

范仰正 邵陽人起家舉人光緒二年除性樂易有容論說終日千萬言無倦也又克勤善教有桃李公門之頌履任伊久皓首窮經精通堪輿士子霑其教

橫山縣志

卷二

三

榆林 東順齋石印

者迄今猶服膺不忘

萬恒印 字溶川鄆縣人歲貢生光緒八年除博學善辯悃幅無華以條理約束諸生故諸生毋敢違者兼充巖綠書院山長日坐講堂講演經史循循善誘雖值寒暑暑無倦容尤精通醫學診脉如神有著手成春之譽十七年致仕歸里

前代政績

北魏

莫雲 雁門繁峙人好學善射世祖克赫連昌詔雲與常山王素留鎮統萬進爵安定公時初并海內人心未一雲撫慰新舊皆得其所

婁伏連 代人也忠厚有器量道武初以功賜爵安邑侯太武即位爵為王後鎮統萬薨

尉元 字苟仁代人也以善射稱太和初出為使持節鎮西大將軍開府統萬甚得夷民之心賜爵淮陽王

源子雍 字靈和西平樂都人肅宗踐祚遷夏州刺史時沃野鎮人破洛汗拔陵首為反亂所在蜂起統萬胡與相應接子雍嬰城自守城中糧盡子雍善撫綏得士心人多戮力無有離貳以飢饉轉切留子延伯據守自率羸弱向東夏運糧行數日為朔方胡帥曹阿各拔所邀力屈見執子雍為陳安危禍福之理勸阿各拔令降阿各拔未果而死拔弟桑生竟隨子雍降時北海王顥為大行臺子雍具陳賊可滅之狀顥給子雍兵令其先行時東夏合境反叛所在屯結子雍轉鬥而前仍平東夏徵稅租粟運於統萬于是二夏漸甯

魏書本傳

源延伯 子雍子城門野戰勇冠三軍子雍向東夏留延伯城守與兵士共分菜湯防固城隍及子雍為胡所執合城憂懼延伯曰吾父吉凶不測方寸焦爛

橫山縣志

卷一

四

榆林東順齋石印

但奉命守城所為處重若以私害公誠孝并闕諸君幸得此心無虧所寄於是衆感其義莫不勵憤朝廷聞而嘉之除龍驤將軍行夏州事

魏書本傳

長孫儉 代人孝昌中邊方騷動儉初假東夏州防城大都督周文帝臨夏州以為錄事參軍事深敬器之轉夏州刺史甚得人和後為西夏州刺史總統三

夏州諸軍事

北史

唐

柴紹 字嗣昌臨汾人貞觀三年以右衛大將軍討梁師都其下殺之以降以其地為夏州授勝州都督

唐書

竇靜 字元休平陵人高祖入京師擢并州大總管府長史太宗即位授司農卿改夏州都督突厥攜貳諸將出征者過靜靜為陳虜中虛實諸將由是大克獲部落皆內附帝嘉之再遷民部尚書

宋

韓崇訓 字知禮磁州武安人雍熙中李繼遷寇夏州崇訓領兵赴援大敗之徙監夏州軍 宋史

安守忠 字信臣并州晉陽人雍熙二年知夏州戎犯邊戰無不捷錄功就拜濮州團練使

尹 憲 晉陽人太平興國四年護府州屯兵與鄜州三族改護夏州兵轉供備庫使雍熙初詔就知夏州攻破李繼遷之衆於地斤澤繼遷遁走俘獲四百餘帳奏請所部抽移諸帳別置騎兵號曰平若以備其用詔從之

李繼隆 字霸圖上党人以父處耘蔭補供奉官為鎮州都督李繼遷叛之命召繼隆入討數追破之旋夏州趙保忠與繼遷連謀朝廷患之以繼隆為河內行營都部署既而繼遷遁去擒保忠以獻會密詔廢夏州墮其城繼隆命秦翰

橫山縣志

卷二

五

榆林 東順齋石印

與弟繼和同人奏以為朔方古鎮賊所窺覲之地存之可依以破賊并於銀夏兩州南間山中增置保戍以扼其衝皆不報卒諡忠武

石保興 字光裔開封凌儀人守信子建隆初以蔭補供奉官拜如京使李繼遷入鈔徙銀夏綏府都巡檢使淳化五年改夏綏麟府州鈐轄

狄 青 字漢臣汾州西河人善騎射寶元初趙元昊反詔擇衛士徙邊以青為三班差使殿侍延州指使時偏將屢為賊敗士卒多畏怯青行常為先鋒者四年大小二十五戰數中流矢臨敵披髮戴銅面具出入賊中皆披靡莫敢當擢樞密副使卒贈中書令諡武襄

按狄武襄指使延州本志似可不列然縣境西百十里有狄青原相傳為武襄駐軍地下有飲馬泉形跡宛然其撫軍於此非漫然也

曹光實 雅州百丈人少勇武嗣父職遷永平軍節度太平興國五年李繼捧

之入朝也以光實為夏綏麟府豐宥州都巡檢繼捧弟繼遷北入蕃落為邊患光實乘間掩襲至地斤澤俘斬甚衆破其族帳獲繼遷母妻及牛羊萬計後於葭蘆川遇害

种 諤 字子正以父世衡任累官左藏庫副使延帥陸鈗荐知青澗城韓絳撫陝西用為鄜延鈐轄絳城囉兀規取橫山令諤將兵二萬出無定川起河東會銀州城而慶卒叛詔罷師棄囉兀後徙鄜延副總管上言夏主秉常為其母所囚可急擣其巢穴帝決意西討以為經畧安撫副使率本路並畿內七將兵攻未脂三日未下夏兵八萬來援大破之諤留千人守米脂進次石夏州不見敵詔紹令班師諤謀據橫山之志未已遣子朴上其策言橫山延袤千里多馬宜稼人物勁悍善戰且有塩鐵之利夏人恃以為生其城壘皆控險足守禦今之興功當自銀州始其次遷宥州又其次修夏州三郡鼎峙則橫山之地已囊括

橫山縣志

卷二

六

榆林 東順齋石印

其中又次修塩州則橫山疆兵戰馬山澤之利盡歸中國矣會徐禧與沈括定議移銀州城永樂與諤謀異乃奏留諤就命知延州疽發背卒

橫山縣志

建置志

堡 鎮

懷遠堡 明天順二年置舊為白家梁漢白土縣地城踞山頂周二里許係極衝上地隆慶六年加高萬曆六年磚砌牌牆堞口北帶圍水去大邊十五里邊長四十三里墩台二十七座街市在堡西關為東西交通大道

波羅堡 在縣治東四十里漢白土縣地明正統十年置城北有波羅寺相傳如來入西駐足處故名北去大邊十三里邊垣長三十五里零四十七步墩台三十五座東至响水四十里城在山畔周二里二百七十步萬曆年間重脩乾隆三十四年知縣胡紹祖請脩清設延綏鎮中協叅將係極衝中地

響水堡 在縣東八十里漢圍陰縣地明正統初置八年移守平燹堡九年余

橫山縣志

卷二

七

榆林東順齋石印

子俊奏請撤還城居山坡險峻臨河周凡三里二百一十步萬曆六七年重脩乾隆三十四年知縣胡紹祖請脩北臨邊七十里邊垣長十九里有奇墩台二十二座為入榆林要隘市在西關城東有天生橋中通三窟水激吼如雷故名威武堡 在縣西四十里漢白土縣地後為响鈴塔明成化五年置城居高阜周二百八十步隆慶六年萬曆六年先後加高磚砌牌牆西臨圍水北距邊四里邊垣長三十四里有奇墩台二十六座

清平堡 在威武堡西四十里漢白土縣地後為磚營兒明成化初置撤白落城兵守之城設山埠險要可恃周三百八十四步隆慶萬曆時重脩加高今為沙擁壓明季設叅將防守為極衝要地邊長三十一里墩台三十一座

石灣鎮 在縣東南百六十里大理河北岸係清平堡鎮當寧夏通晉大道商業繁盛冠縣屬各鎮

武鎮 在响水堡南八十里地處山畔為米粟貿易中心

殿集市 在縣東南四十里黑木頭川為南川商務要地

油坊頭 在威武堡東南小理河岸

韓家岔 縣南五十里南界未境為縣南川糧粟運輸要埠

麒麟溝 在石灣鎮東四十里大理河北岸

古水鎮 縣西二十里

五龍鎮 在波羅東四十里

祠祀 附寺觀

孔廟 在縣城東門內清乾隆十年蘇其炤建三十年胡紹祖重脩光緒十年汪國勛捐脩民國十一年劉濟南復脩均有碑記

武廟 在縣城西關外山巔各堡均有廟惟波羅堡武廟規模雄大明正統

橫山縣志

卷二

八

榆林東順齋石印

建由中協副總兵先後展築有碑可攷又縣東二十里三捷關有武安王祠明天啟三年都督同知杜文煥等奏捷合建

節孝祠 舊在波羅堡道光年移建縣城書院西旁今傾廢

尊經閣 縣城孔廟西側乾隆十年建

指月庵 波羅城內中街順治年湖廣提督胡公茂禎建

黃公祠 在石灣鎮北仙橋山為清道員撫標軍統領黃燧封祠祀光緒三年

建有碑記

無定河神廟 波羅堡東門外山上康熙年邑人合資脩

文昌宮 縣城舊儒學署東側各堡俱祀

奎星樓 在縣城東門外今傾五堡俱有

城隍廟 縣城內北街各堡俱有大宇歲值三八月設壇禳災瘟

龍神廟 縣城西關外邑民禱雨之所各堡俱祀縣俗農人信賴頗篤歲旱無雨輒群趨祈禱甚至每村必設是廟崇拜心理可覘一般
玄武祠 各堡均有而响水堡內此廟禱雨尤靈波羅堡宇殿宏濶
馬王廟 各堡均祀昔邊俗戶必養馬由驛站經營
上帝廟 縣城中街波响二堡均築台閣崇祀
聖母宮 縣城北門外各堡均有祠宇婦女迷信生子育嬰咸祝保佑
三皇祠 在响水堡東五十里三皇廟村舊殿宇極大
孫真人廟 各堡均附祀家有疾患者恒詣廟祈葯
三官廟 五堡俱有舊厯上元農民集衆燃燈歌舞喧嘖慶祝豐稔
波羅寺 波羅堡西門外巖石凌空上有足跡長尺許一顯一晦
接引寺 在波羅堡今頃

橫山縣志

卷二

九

榆林東順齋石印

大昭慶寺 清平堡孫家石灣東五里石人坪寨子山中有石人明南京禮部侍郎董越撰有碑文

紅門寺 在威武堡南二里許元泰定間建

清泉寺 波羅堡西號房梁向有清泉今已湮塞明萬歷年名僧華和尚坐化其中

龍會寺 响水堡西門外相傳建自洪武初規模宏濶穉子濟濟今廢

東西大佛寺 在縣城有二寺名東西庵俱萬曆年建

法雲寺 古雷音寺在波羅堡東五龍山殿閣崢嶸高接雲霄建於唐代

清風寺 在波羅堡東黑木頭川寺佛禱雨輒降人多崇祀

盤龍寺 响水堡東門外成化年建

觀音寺 縣城南門外南山正統年建

大塔寺 縣南百餘里金臺山

龍泉寺 在响水堡東山成化年建下有清泉味甘冽

鮑家寺 縣南黑木頭川口山頂下祀關帝廟

瓦窑寺 威武蘆溝西十三里瓦窑澗今廢

仙橋寺 在石湾鎮北

千佛寺 清平堡南三十里高峻數仞下繞清流古木蒼鬱幽邃宜人

公所

縣政府 在縣城內西北係明巡按行台舊宇置縣後更為縣署同治七年毀於狃亂聊避風雨嗣駐董營摧塌殆盡縣署移於波羅光緒元年李公嘉謨到任始修理後堂及儀門監獄班房仍返故治光緒十七年王策範新建大堂三間及東西科房十間規模完備全署煥新光緒二十二年張祥齡改築二堂及

橫山縣志

卷二

十

榆林東順齋石印

左右兩廡東西轅門馬號樂樓亦告成民國十二年劉濟南大肆脩葺並脩復舊典史署改設縣參事會

教育局 在縣政府東側舊為勸學公所民國十六年移設縣議會內即農林會正廳三大間東西廂六間大門一所廚室三間

公安局 在縣城東庵內民國十四年修復後院北廂房五間

財務局 附設縣政府內

建設局 在縣西關中街辦公室三間後接苗圃

農事試驗場 在縣西關橋頭北毗連溝渠就河水灌溉佔地約四畝民國十三年劉濟南購置為中外苗卉栽植之所歷年試種桑棉成績頗佳由建設局經管

縣立圖書館 附設縣城第一高小校內佔石窑三孔由館主任經理

駐軍營房 即縣城常平倉內磚窯七孔對面廂房十二間營門一間墻壁俱全

商務會 在縣西關東街三官廟內附設

通俗講演所 在縣西關東街房舍三間

第一高小校 在縣城內即舊巖綠書院

第二高小校 响水堡城內東山舊永益倉

第三高小校 波羅堡城內舊參將衙署

第四高小校 清平堡石灣鎮舊常平倉

民衆學校 縣城西關東街公宇

女高小校 在縣城北門內即前模範初小校址

邑境各級學校所在次第成立或就公宇祠廟改作脩理或借鄉塾民舍署事

橫山縣志

卷二

十一

榆林 東順齋石印

擴充情狀不一故建置亦異究以節省經費利用公產而已因是各校繁多庶不悉載焉

村莊 戶口增

民數登於天府載在簡策由來尚矣此後憲政開始舉地方自治國民教育悉以縣為單本位是村莊之距離戶口之殷耗尤於民治民生關係綦要爰分堡調查列存實數俾休養教訓艱易有方而衛庶可期耳

懷遠堡 李潮百戶

堡塘 東門外一里

東門溝 教場 鄭家梁 郝家溝 柴新梁

窑瓜砭 朱家圪堵 李家瓜 邵家瓜 賈家大峁

沙卧莊 高家瓜 顧新莊 毛墩 李新莊

濠界則	高峯則	劉家墻	盤道梁	王趙峁
磚窯梁	陶家墩	海則峁	王窯則	高廠村
王家梁	城星峁	張家瓜	稻地溝	梁家莊
楊圈則	郭水灣			

共三十二村

堡塘口外

韓窯則	陳圪堵	石坊灣	張沙峁	雷龍灣
楊家梁	王家溝	郭家溝	養木杖灘	陳家梁
張家畔	臭河溝	胡兒子灣	油坊瓜	谷家灣
郭家梁	梁家畔	趕兔灣	劉家溝	馬家窯則
白家灣	徐家灣	喇嘛畔	沙漩溝	郭家畔

橫山縣志

卷一

十二

榆林東順齋石印

楊家窯則	井則瓜	郝家海則	圪凹界	天滿樑浩村
楊家瓜	顧家瓜	茶店瓜	神樹界	郭家大澗
耳蒼井村	大墩梁	圪甬河	水芹灣	谷家畔
張家灣	梁家峁	王家窯則	保澇上灘	納令河村
陳家圪堵	王楊畔	董家畔	喇嘛堡灣	屈家溝
沙溝村	酒房溝	紅石峁	周家澗	大沙澗
黑水溝	楊家峁	哦包池梁		

共五十八村

東塘

朱家溝	小王地村	回回峁	沙坪溝	朱陽瓜
曹家圪塹	折家圪塹	高寬梁	十里塘	銀耳梁

魏家塢

鴉窩畔

東銀耳梁

李謝家溝

寇家墩

紅墻灣

羊圈梁

魏家牆

曹家塢

曹家畔

東塘口外

前曹窑村

下曹窑村

朱家峁

後河沙灣

黃柏梁

毛卜素

馮家畔

蔣家灘

腦害圪堵

柳朴台

武松界

朱家灣

劉長腿灣

二樹渠

賈家灣

圪洞河

高景界

團卧梁

邊墻濠

東塘口裏

蟠道梁

吳家東峁

石廟溝

紙房溝

胡家灣

古水村

高園子

高家梁

共四十七村

橫山縣志

卷二

十三

榆林東順齋石印

南塘西班

縣城南三十里

雨穀城

西三里

石鼻則

北四里

張家灣

北三里

高家崖

東五里

鄭家崖

西七里

馬鞍梁

西二里

甘泥峁

東三里

沈家石窰

南十里

李家渠

北十五里

土劃則

共十村

南塘中班

縣城南四十里

樓家畔

西三里

老墳灣

西五里

白彥清村

東十里

胡家樓坊

南三里

連石畔

南三里

曲鴻道

南五里

賈家廟

南三里

侯大塢

北五里

郭家灣

南三里

大小石畔

共十村

南塘南班

縣城東南六十里

范家河

東六里

王道九村

南七里

崔君祥村

南五里

關道峁

南八里

白家岔

模主山村

南五里

吳家岔

南一里

邱家墩

共八村

南塘東半班 縣城東五十里

王家溝 南一里 廟兒梁 南一里

小河溝村 東一里 瓷礮砭

共四村

河北塘 縣城北二十里

雷家坊

范家溝

張家坵

紅石橋

雷家灣

共五村

計一百七十三村 二千三百八十五戶

人口 男七千一百七十四 女六千三百七十二

波羅堡

柳奇百戶

計上旗中旗下旗像黃門外一里

橫山縣志

卷二

十四

榆林 東順齋石印

吳瓦窰 東三里

樊家河 東五里

高家溝 東四里

康家渠 東二里

上濫泥灣 東一里

廟兒梁 東南二里

拐渠莊 東南二里

宋家坵 東南五里

槐樹坵 東北二里

灣子溝 又一里

吳家山 北二里

下濫泥灣 河北十里

十里梁子 西五里

沙河莊 北十里

張家房 又北十五里

碧草溝 北一里

磚窰溝 又北

九窰坵 西十里

三石礮 東南三里

二石礮 東五里

大石礮 南二里

芹河灣 西

王連灣 又西

新寺溝 西一里

錢錦梁 西南一里

胡園子 東南五里

沙溝 東南十里

劉家溝 西南五里

薛家溝 西五里

戴家莊 西北二里

向家莊 西五里

羅新莊 東五里

賀家梁 北五里

大川口 西五里

馬家石礮 東五里

邊家莊 北七里

劉家梁 西五里

樊家口則 東五里

鮑家渠 西二里

寨城梁 西二里

黃蒿峁 西南十里

三捷關 北十里

俗名斬賊關 西接懷遠堡 磚廠溝

共四十三村

劉九思百戶

堡南五里

柳家溝 西南二里

白蓮溝 南十五里

邊新莊 東三里

蔡家溝 東十里

王家坪 東二里

賀家溝 南二里

懸空寺 西六里

屈家坪 東南二里

馬家渠 南三里

常園子 南二里

思家莊 西五里

沙家灣 西三里

前苑家崖 又西

後苑家崖 北五里

郭敬甫山 西五里

沙峁溝 南三里

五龍山鎮 東五里

王石峁溝 東三里

清風寺 東三里

王石畔 東五里

賀石畔 南十里

王家山 東五里

張鍊地 東十五里

沙家洞 北五里

孫石磕 南交米境

陳家塢

崖峁塢

劉家溝

共三十一村

口外

邊外堡北二十里

楊窰則 南

蘆草梁 北十里

九台 北六里

雲家梁 再北

大灘 東北十二里

李家峁 西

樊家幫 東北五里

喬家峁 東

高家峁 東北

馬家幫 西北

紅石頭梁 北

馬連灘 北

三朴樹灘 西

廠丈灘 再西

把喇素 南十里

橫山縣志

卷二

十五

榆林東順齋石印

烏旗蘇界 西

舊廟灣 西五里

邢家梁 北五里

馬場梁 東六里

營盤灘 東

王家峁 北十里

何家梁 北五里

什把兔 北六里

武家廟 北十里

新廟灘 東北十五里

大旭呂 北十里

耳林灘 北八里

蒿勞兔 西北蒙地

點立素 北蒙界

省不扣 北蒙界

雲家灘 北

補浪河 北五里

哈喇點立素 東北

喇嘛灘 東

塔爾漫 北蒙界

下窩兒灣 西

楊沙畔 北五里

朱家梁 東二里

沙家澗 西十里

硬條梁河 北五里

李家灣 東

張家灣 東五里

左家界 南

馬家梁 南五里

喇嘛廟兒 北五里

古城界 北五里

蕭家溝 北

蕭家峁 北五里

油坊台 西

湍水廟 北五里

白城河 西北

白城台 西十里

井兒界 西

臭水海則 北三里

雷家梁 西北

賈家灣 西三里

薛家梁 南

扯冰灘 南三里

陳家梁 北

水口則濠 北五里

房則梁 又北

廟兒界 北六里

黑牛海則 北四里

爾林灣 北五里

鬧泥海則 西十里

劉家梁 北

滾蓋梁 北十里

武松界 北十里

生耳計海則 西北

老補浪 又北

白家梁 北十五里

呂家海則 西南三十里

劉家圪塹 北二里

張家峁 北三里

王連圪堵 北五里

楊窪灣 北五里

紅石橋 北三里

他布台灣 北五里

曹家峁 北二里

雷家灣 北十里

老坊峁 北十里

圪棘窪則 北七里

牛路嘴灣 北八里

馬路灣 北十里

魏家峁 北十里

圪流溝 西北十五里

前大灣 北五里

中大灣 北五里

後大灣 北蒙界西南

討忽兔 北十里

烏綠素海子 北

廠漢阿包 北五里

明水海子 北蒙界

納令後河 北蒙界

霍姚烏素 北蒙界

九十五村

計一百六十九村 二千九百九十七戶

人口 男八千七百二十四

女七千六百七十七

響水堡

戴洪百戶 堡南五里

胡家樓 東三里

沐浴溝 南二里

梁家塔 西五里

胡石畔 南五里

牌坊灣 南四里

橫山縣志

卷二

十六

榆林東順齋石印

戴洪灣 西北十里

楊新莊 又西北

雙廟 南

高背崖

共九村

王一林百戶 堡南六里

焦家峁 西北五里

韭菜溝 南一里

盛高梁 再南二里

鮑家寺 南三里

宋水溝 南五里

碾子峁 南二里

白崖 東南八里

呂家塢 南五里

甘溝子 東南十里

李家樓子 西二里

白新莊 南三里

盛家廟 南四里

連家山 南十里

高文掌 北五里

賈家坪 北一里

梁家溝 北十五里

廟灣 西五里

駝燕溝 東十五里

思家砭 南三里

趙峁子 東

盛家山 東南

周謝溝 南

藺家峁子

共二十三村

孫欽百戶 堡東南六十五里

馬蘭地 東二里

張家塢 東五里

坊則塢 東三里

高家峁 南界米境 東南二里

寨則峁 南

王家溝 東三里

柿坪 南至清百寨西五里

周家坡 南至榆境西七里

楊老莊 東至米境東南三里

黃藁峁 北三里

老楊峁 南至米境西南三里

伙佃則 西三里

劉家峁 西十里

南塔 北界米境再東十里

范高梁 東南十里

小界則 東五里

袁莊伙 東南三里

思家塢 東界米境再東南三里

寧條圪塔 東米境又西北三里

高廟山 西

顯道峁 東南全為米境

黃柏廟

共二十二村

孫隆百戶 堡東十里

席家灣 東北三里

黨家莊 北二里

水掌 南十里

田家寺 南六里

郭石畔 西北五里

棗灣 西五里

趙石窰 南五里

楊口則 東北

楊關海子 東北六里

蘇莊 西十里

芋圈梁 東南二十里

牌樓界 東二里

新開溝

共十三村

王壘百戶 堡東二十五里

橫山縣志

卷二

十七

榆林東順齋石印

馬坊峁 東南五里

韓石畔 北十里

姜家灣 東三里

井灣 西三里

姜新窰 北十二里

白查峁 北十里

紀家峁 東北六里

白家澗 東北二里

金積溝 北十五里

土地海子 東

張墩海子 東十五里

曹海子 東界榆境南三十里

卜家溝 西三里

劉家溝 東南十五里

王沙峁 東北

卜家伙廠 北六里

沙峯則 西南

屈家塢 西六里

潘莊

共十九村

馬昂百戶 堡東南八十里

傅家坪 北七里

一步塢 西五里

世日長村 南二里

禾穀地峁 西五里

馮家塢 東十五里

謝家峁 北六里

韓家塢 東五里

花山 東十里

王家峁 東一里

孫家園子 北一里

祁家寺 西十里

柳樹峁 南十里

孫家塢 北六里

韓家沙溝 東十五里

韓家園子 西北十五里

樹兒梁 西南三里

郭新莊 北三里

陳家溝 南三里

莊伙峁 南二里

鬧凌溝 西五里

八圪峁 西五里

陳西塢 北二里

馬家塢 東十五里

張石畔 東北六里

韓大梁 南十里

王家莊 東二里

新窪灣 東五十里

折家溝

馬家溝 上二村在榆米霞三縣境

屈莊 南二里

屈新窪 西五里

馬家莊 西五里

劉新莊 南二里

茆新莊 東五里

茆家莊 北五里

朋莊伙

共三十六村

高銳百戶

武鎮 東二里

王家台 東一里

高崖窪 南五里

張家灣 北四里

高家溝 東五里

劉家渠 東北五里

橋則溝 北五里

鄧家塢 南十五里

康家莊

共九村

陳正百戶 堡東

拓家山 東南

謝家溝 南

丁家莊 北里

張府河 東北十里

郭陽畔 西南十五里

二石磕 北五里

龍眼溝 北三里

韓家渠 北六里

小李家瓜

橫山縣志

卷二

十八

榆林東順齋石印

共九村

黃成百戶 堡東南六十里

三皇廟 東十里

麻地溝 西北五里

馬葫蘆峁 西十里

棗灣 北五里

劉新莊 南二十里

黃成山 南三里

郝新莊 東南三里

浪滉溝 東六里

朱家溝

共九村

糜糧百戶

黑峁墩 北一里

灞頭 北二里

黑河子 北三里

胡石窪 西三里

楊家溝 北六里

孫家灣 北二里

王家灣 北二里

草皮瓜 西北十里

平燹堡 西

黃花梁 西三里

王家房 東二里

黃窪子 南二里

柳溝 東三里

方家河 西里

張新窪 東北

溝長灣

共十六村

口外 堡北邊外五十里

黃沙七墩	西七里	龍泉墩	北六里	蟒兌灘	北五里	紅墩	北十里	馬家兔	西北口里
圪撈汗	北二十五里	馬王廟海子	北五里	保兒貝	北十里	倘忽	北十里	烏兒兔	北一里
堯適吐	北六里	納泥灘	北十里	點石灘	北十五里	烏刺爾林	南十五里	補浪河	南十四里
浩勞兔	東南五里	小速呂	南三里	烏達汗	西五里	大速呂	南三里	耳林灘	東南三里
霍喜兔	西里	雲家灘	西三里	赤老兔	南十里	尤家峁	南四里	圓灘	南三里
討討灘	東南二里	巴浪灘	西南四里	傅家溝	南三里	邢家峁	即大灘 東三里	塩梅灘	南四里
袁小灘	北一里	張小灘	東六里	白李家海子	西南八里	李家小灘	東一里	鄭家小灘	南三里
樹灘	西五里	康家梁	南四里	邵小灘	南五里	大西溝	北	王家灘	

共四十村

計二百一十四村

四千一百六十九戶人口男一萬二千三百

橫山縣志

卷二

十九

榆林 東順齋石印

六十一女 一萬零五百二十九

威武堡

堡 塘 堡西二里

陳家窰子	北十里	郝家梁	西三里	窰灣	西十里	廟梁	北三里	閻渠	東三里
响水塘	再西十里	海子溝	東十里	駝兒巷	西十里	蚰蜒嘴	南三里	薛窰子	北十五里
管家窰子	西八里	石井	北三里	杜新莊	東六里	瓦窰溝	南四里	野鷄溝	北三里
羊圈口則	南八里	韓羊圈		新治村	南五里	梁家畔	北五里	楊窰子	西五里
童家塢	再西	李家峁		圪奔溝		小楊窰子	西五里	邊牆梁	南七里
崖窰	東南六里	榆地溝		盛家窰子	西五里	李吉口子	南五里	焦泥峁	南五里
劉窰子	再東三里	廟界	南五里	王娃畔	東十五里	康家甘溝	北十五里	馬驥溝	西三里
二道河子	再西	周家圪撈	西四里	劉新莊	西三里	白家畔	西三里	李家灣	北二里

神水溝 東七里

張家圪塔 東五里

史家梁 東六里

紅屯界 北

爾答井 東十里

米糊灣 再北

掌高兔 南十五里

共四十七村

東塘 堡東十里

好地爪 東南五里

師家畔 南四里

桃園子 南六里

高石畔 北五里

石廟 再一里

石漩 西十里

口則峁 北二里

劉家爪 南三里

王皮莊 南五里

太保莊 北十里

張辛莊 南五里

郭家灣 北六里

杜羊圈 西五里

蘆草峁 北十二里

水掌 北七里

趙石畔 西六里

小峁則 西

桃李塔 北三里

黃小梁 南十里

務農峁 南五里

袁家峁 東七里

楊圈峁 北十五里

寨城峁 再北

龍城峁 西

混忽界 西

紅眼畔 北四里

朱掌溝 北六里

紅屯界 再北

郭兒梁 南三里

紅梁 東十里

萬豐泉 北五里

王家梁 西三里

甘溝畔 西

畫匠爪 南七里

樊窪子

橫山縣志

卷二

二十

榆林東順齋石印

池家溝 再東

井家伙廠 南

黃大梁 北

哦包梁 西二里

大石砭 西十五里

王埋墓灣 北五里

本色梁

沙家梁

張家梁

黃羊界 東五里

魯家窩則

呵呵山界

韭菜渠

楊楊柴峁

楊丈子峁

共五十村

西塘 堡西十里

傅家園子 西四里

趙皮溝 東南十里

楊小川 西南十五里

宋家溝 南五里

魯家窩 東四里

白家溝 再東

瞿家窩 北

新窩峁 東五里

濫泥河 北二里

邵新窩 北五里

杜甘溝 南

黑峯子 東北

馬圈灣 北十里

馮家口子 東南四里

崔焱 再南

倒座峁

廟梁 西二十里

潘寨 南十二里

劉家河 東北三里

康莊 北二十五里

奧管濠 東五里

榆樹梁 東北十里

小寧條梁 西二里

高粱灣 西五里

沙葱梁 北四里

牛皮窩子 東四里

海參渠 南五里

井界

楊花渠

蕭家畔

共三十村

趙世相上百戶

堡東南一百五十里

水地灣

東五里

杏嘴溝

東六里

阿家灣

西十里

唐家渠

西三里

楊新莊

西三里

石渡坪

南北米脂地西四里

李家坨

西二里

下張家坨

西五里

劉家樓

二里

上張家坨

拓家溝

共十一村

趙世相下百戶

堡東南一百四十里

張家溝

東南一里

沙灣

東五里

吳家園子

西五里

礮石溝

南十二里

殿吉市

東南五里

趙家寨子

西五里

趙家峁

東六里

龍尾峁

北二里

王家莊

西五里

瓦窪山

西六里

官塢

西北七里

沙坪

西南十里

白家園子

東南十里

廟坪

東五里

李家河

東一里

吳家灣

東三里

巡檢司

北七里

清水溝

東南三里

張家砭

西北二十里

高家莊

東六里

橫山縣志

卷二

二十一

榆林東順齋石印

畔溝

共二十一村

宋安百戶

沙瓜梁

北十二里

倉窪山

西二里

喬新窩

西五里

王家畔

東十里

戴家圪塹

南五里

戴山

北五里

折家塔

北四里

馬家莊

南三里

崔家塢

東南八里

賀家畔

西十里

馮家峁

南十一里

周家坨

西二里

蕭家崖

東三里

高崖畔

西北一里

連家廟灣

東南八里

銀州關

北五里

瓦窪峁

西六里

老麥地

北十六里

申家峁

東南十五里

張家山

西一里

張新窩

又西

萬家畔

共二十二村

馮宣百戶

堡東南一百五十里

蘇家園

北五里

戴家塢

西南六里

高圪塔

南八里

鐵路峁

東三里

桃子峁

西六里

王新窰	西五里	范老莊	西十里	陳家陽畔	西南	康洞	東南米境 東南八里	范家塢	東九里
大路峁	北六里	鄧家塢	北七里	石家塢		陳石畔	南五里	魯家河	東六里
野雀渠	半屬米 東十里	坪塢		楊社台	南五里	張林山	南五里	奶頭圪塔	南六里
王家畔	西北四里	喬新莊		唐莊	北十里	油房頭	西五里	椿樹圪塋	再西
楊家高山									

共二十六村

白堂百戶

羊鹿界	南十里	新窰塢	東六里	鄭家梁	南二里	艾蒿峁	東南三里	董家圪塋	東南八里
杜家溝	西十里	唐家坪	北二里	石窰溝	西五里	圪塋莊	南二里	店兒峁	北四里
柳樹梁	西	申家梁	東北二里	宗家畔	西南三里	王沙溝	西三里	廠梁	東五里
捐草灣	西	色草灣	北	葉家畔					

橫山縣志

卷二

二十二

榆林東順齋石印

共十八村

方旗

管家塢	東十里	方家溝	東十里	賀馬畔		魯定山		圪洞峁	
-----	-----	-----	-----	-----	--	-----	--	-----	--

共五村

榆林衛

柳樹塔	西十五里	赤木山	南五里	喬桑塔		洋芋地		朱膏地	
-----	------	-----	-----	-----	--	-----	--	-----	--

共五村

計二百三十五村 二千二百九十五戶 人口 男五千八百九十三
女五千四百五十三

清平堡

翟賢百戶 堡西南七十里

石灣鎮 西三

寨子灣 西四里

翟家塢 西二里

奧子塢 西北五里

小水溝 東十里

馮寨 東五里

石人坪 東五里

劉新莊 南七里

蔡家莊 東二里

蕭寨 東四里

崖窩 東一里

朱家山 西五里

李家溝 西二里

棗坪 南十里

劉河溝 西十二里

石窩台 南一里

石嘴梁 再西

真武塢

共十八村

湯全百戶

堡東南一百三十五里

瓦窩渠 北七里

大小東莊 西

楊台 北五里

拓渠 西五里

拓家峁 西二里

楊坪 再西

念家峁坪 東七里

西山 西南五里

魏家樓 西北

倒座峁 西七里

楊家樓 西三

清水溝 北八里

公鷄山 西二里

聶家灣 西四里

楊鳳川 北十六里

土窩 西五里

鋼城 西三

沈家畔 再西

史家峁 南五里

徐陽關 西五里

楊新莊 再西十里

漩水灣 西北

陳相子灣 南五里

孟坪 東

狼卧山 東八里

橫山縣志

卷二

二十三

榆林東順齋石印

焦家河 東南

方界 東五里

殿方台 南十一里

吳界 北五里

喬李石畔

共三十村

榆林衛百戶

堡南二十里

陳家大梁 南一里

姚界 西六里

田家塢 西二里

紫柴塢 南四里

小廟界 南十里

潘寨 南

蘆草峁 東六里

羅家塢 東二里

柳家橋 東南

韓台 南五里

棗灣 西

崖寨 北二十里

趙新窩 北二里

楊新莊 北五里

烏大塔 北四里

大路峁 北十里

桑塌 南五里

柴家溝 北二里

前馬圈灣 南一里

小豆灣 南五里

曹家灣 又南

陳家陽峁 西二里

老寧條圪塔 東南十里

大土峁 西六里

新窩塢 東一里

孔家塢

塔連溝 東五里

李神仙梁 東十里

硬駝界 西南七里

禾草峁 西十里

軟地梁 西四里

牌樓界 南

趙家峁 東南

大台畔 西五里

沙腰峁 南二里

畔溝 北五里

祁家園子 東二里

馬家塢 西北五里

高石磕 南八里

沙家溝 西八里

謝家新莊 北二里

太保莊 北五里

杏樹峁 東四里

楊新窩 東南五里

閻小塔 西五里

董家塢

大水溝掌 北十里

黃蘆梁 北五里

柴家溝 東八里

田家山 西南

馮則坨 再西

武家石畔 北

蘭家畔 南八里

王家河 西北

柴家河 西五里

背山 西

潘陳梁

后莊溝

共五十八村

延安衛百戶 堡西八十里

白狼城 西五里

中慶灣 北五里

高石崖 西三里

龍腰鎮 即冷窰子西北靖邊地西五里

陽坪 西北五里

總關口 南四里

馬家河 北一里安定地西一里

陳家砭 東南均靖邊地北五里

榆樹坪 西北七里

李邱家坪 西南靖邊地東八里

焦泥坨 東二里

小刀子灣 東北四里

方圪凹 北

狗狗峁 北二里

馬營莊 西五里

左掛山 西北十里

綠水峁 東南五里

新窩梁 東南七里

閻家老莊 南三里

沙家莊 東十里

楊家岔 南三里

羊圈 北五里

新莊 南五里

橫山縣志

卷二

二十四

榆林東順齋石印

大水溝 東三里

火石山 西五里

上川岔

共二十六村

界北百戶 堡西十五里

麻城界 西北里

三道河 東十里

土橋梁 西五里

牌樓界 西北五里

長塌 西

廟界 西北

魏家窰子 東十里

焦泥墩 北十里

龍眼畔 西三里

楊橋畔 再西三里

袁家灣 東

霸王溝

共十二村

糜糧百戶 堡北二十里

紅市川 東北十里

東峁界 南十里

八岔 東北

野麻渠 西五里

黑河塘 西四里

漩河子 東六里

萬家圪塹 北三里

申家畔 東一里

高家梁 北六里

張家圪塹 北五里

高家圪塔 西七里

石家甘溝 西二里

柳樹灣 南六里

大西溝 南五里

羊鬍台 西三里

毛吾素 東北

沙柳灣 北

廟灣 南十二里

高小界 南十五里

牛皮窰子 南五里

楊喇嘛界 西

王甘溝

房子灘 東一里

史家瓜 南二里

米地灣 西四里

大房灘 北

掌高免 西牌界
東十里

海子灘 北五里

楊家海子 西北

黑頭梁 東

呀包梁 西南

木塔梁 東

苗沙畔

共三十三村

計 一百七十七村 一千八百七十一戶 人口 男五千二百六十

三 女五千二百一十三

全縣總計 九百六十九村 一萬三千四百二十三戶 男三萬九千四百

一十五 女三萬五千一百五十四 總人口 七萬四千五百

六十九

前代戶口

橫山縣志

卷二

二十五

榆林東順齋石印

清

懷遠縣

乾隆四十年戶 一萬二千九百七十三 人口 八萬三千六百四十

嘉慶十年戶 一萬四千二百六十六 人口 九萬二千二百一十二

道光三年戶 一萬三千四百三十四 人口 九萬七千六百五十三

道光十九年戶 一萬三千七百三十一 人口 八萬九千零三十一

古墓

按府志載縣境古墓甚多如威武堡之柳家橋城兒梁上有古墓銀州關白石
狼城亦有古塚以無碑碣失攷再波羅十里梁子有古墓極大前有鐵牛鐵
象响水堡東峒骨轆山有王墓一清光緒二十二年發掘前馬後柩內有石
室葦菜溝川有大古塚二均無攷

晉赫連氏墓 傳聞在統萬城北王墓山 按延安府志勃勃墓在層施南杜甫川後又延川縣南白浮圖寺前七塚相傳勃勃葬此攷十六國春秋夏傳載勃勃葬嘉平陵又太平寰宇記勃勃墓在霍山最高峯據此則傳說失實明矣西夏李繼遷祖墓 在縣南麒麟溝山巔

西夏李德明墓 在縣北納令河西王埋墓灣大塚有二

明延綏總兵都督僉事彭清墓 在縣西威武堡北塔兒灣原 弘治十五年賜祭葬

明胡將軍墓 在縣東響水胡樓山名失攷

明綏德衛後所指揮曹興墓 在平夷堡西

明寧夏總兵傅釗墓 在縣西南威武堡巡檢司

清太子少保湖廣提督胡將軍茂禎墓 在波羅堡雙墩梁前有石牛石象附

輟耕 康熙十八年賜祭葬

橫山縣志

卷二

二十六

榆林東順齋石印

清征西將軍魯光昌墓 在清平堡老虎塢 康熙五十七年葬

清浙江温州鎮總兵石國璽墓 在波羅堡東二十里

清邑知縣劉公昌蕃墓 縣城東門外同治七年殉難春秋設祭

橫山縣志

紀事志

周

惠王二十三年晉公子重耳奔翟

竹書紀年周時翟地在今延安以北

襄王十七年晉文公納王攘戎翟居於西河

洛之間

按圖水即今無

定河

顯王四十一年張儀相秦魏納上郡十五縣築長城

四十六年秦惠文君遊至北河

正義曰靈夏州之黃河也

赧王十五年趙攻中山地至雲中九原

通志戰國時九原在今懷遠縣北

河套

十九年趙滅中山遷其王於膚施

史記趙世家膚施在綏州西北

橫山縣志

卷二

二十七

榆林東順齋石印

今懷遠縣地

四十三年秦滅翟始置隴西北地上郡

按上郡即陝西北地今縣

境屬之

秦

始皇三十二年帝北巡邊歸自上郡遣蒙恬伐匈奴

三十三年蒙恬伐匈奴收河南地因為塞築三十四縣城臨河徙謫戍以

充之謂新秦

正義曰新秦今夏勝等州也河南即套地

漢

高祖元年七月復置上郡奢延白土等縣

禹貢錐指奢延屬上郡故城

在廢夏州西南

通志奢延白土在今懷遠縣

七年白土曼邱臣立故將趙利為王以反帝自往擊之至平城被圍七日

乃解張晏曰白土屬上郡

通志白土在榆林府西北

惠帝五年置圖陰縣

鎮志響水堡為漢圖陰縣地

武帝元朔二年收河南地置朔方西河五原等郡

通志朔方在懷遠縣北

元鼎六年秋上郡朔方西河開田官

元封四年夏匈奴寇邊遣郭昌及沃野侯朔方備胡

東漢

光武建武五年盧芳稱帝於九原

七年盧芳以朔方郡降

十三年二月盧芳自五原亡出塞

二十六年冬南單于以右賢王屯朔方

章和元年十月北匈奴五十八部詣五原朔方北地降

橫山縣志

卷二

二十八

榆林東順齋石印

和帝永元元年六月竇憲耿秉出朔方擊北匈奴大破之登燕然山刻石勒功而還晉

安帝義熙三年六月持節安北將軍五原公劉勃勃

劉衛辰子

稱天王大單于

建元龍昇國號大夏都統萬

通志統萬在縣北九十里

義熙四年秦王姚興遣將齊難討勃勃於朔方勃勃退保河曲佯為敗走難縱

兵野掠潛師追至木城悉俘其衆

按方輿紀木城在夏州東

九年

夏鳳翔元年

以叱干阿利領將作大匠築統萬城改姓曰赫連氏

按統萬城即普之朔方郡晉史紀勃勃於

朔方

奢延水之北黑水之南改築

都城名曰統萬城高十仞基厚三十步宮墻高五仞其堅可礪力斧臺榭高

大飛閣相連皆雕鏤圖畫被以綺繡飾以丹青窮極文采名其四門東曰招

魏南曰朝宋西曰服涼北曰平朔是年夏王勃勃出遊契吳山歎曰美哉斯

阜臨廣澤而帶清流吾行地多矣自馬嶺以南大河以北未有若斯之壯麗者因築城曰吳城方輿紀契吳山在夏州北七十里

北魏

太武帝始光三年六月幸五原田于陰山十月帝西巡伐赫連昌幸雲中臨君子津會天暴寒數日冰合十一月帝率輕騎襲赫連昌次於黑水徙萬餘家而還

初魏世祖聞勃勃死諸子相攻關中大亂于是西伐乃以輕騎一萬八千濟河襲昌徙萬餘家 通志黑水在今懷遠縣

四年詔執金吾桓貸作橋於君子津五月車駕西討赫連昌次拔鄰山築城舍輜重以輕騎三萬先行六月大破赫連昌乙巳車駕入城虜昌群弟及其母妹妻妾宮人萬數府庫珍物車旗器物不可勝計留常山王素執金吾桓

橫山縣志

卷二

二十九

榆林東順齋石印

貸鎮統萬

魏書本傳

赫連昌遣弟與司空奚斤相持於長安太武乘虛西伐濟君子津輕騎倍道兼行王師掩到上下驚次於黑水去城三十里昌乃引步騎三萬人出戰世祖馳擊之昌退走入城未及閉門軍士乘勝入其西門分軍四殺獲數萬昌奔上邽遂克其城

神麿元年二月監軍御史安頡出戰禽昌餘衆立其弟定為主三月侍中古弼送赫連昌至京師司空奚斤追赫連定於平涼馬髦嶺為定所禽

三年三月進會嵇公赫連昌為秦王甲辰行幸統萬遂征平涼 十二月赫連定弟社于度洛孤面縛出降平涼收其珍寶

延和元年三月吐谷渾慕瓚送赫連定於京師立勃勃女貴人赫連氏為皇后延和三年三月秦王赫連昌叛走群弟皆伏誅

真君七年置巖綠縣

隋書地理志

孝文延興二年春正月統萬鎮民作亂討平之

九月統萬鎮將河間王閻武皮坐貪殘賜死

泰和元年三月統萬鎮地震有聲如雷 三年統萬獻白雉

魏書靈徵志

十一年改置統萬鎮為夏州 通志夏州在今榆林府懷遠縣界

十二年置化政郡屬夏州

十三年三月夏州刺史章武王彬削封

正始元年六月夏州蝗害稼

三年七月夏州獻白鳩

四年九月夏州長史曹明謀反伏誅

宣武永平三年十一月夏州言橫風山木連理

孝明神龜二年六月夏州上言山鹿縣木連理

橫山縣志

卷二

三十

榆林東順齋石印

孝昌元年春正月征西將軍崔延伯大破秦賊于黑水

孝武永熙二年以宇文泰為夏州刺史明年生周世宗宇文毓於統萬命名統

萬突

文帝大統二年春三月東魏高歡襲取夏州留兵鎮守既而西魏取之更曰宏

化郡

方輿紀要

七年三月夏州刺史劉平伏據上郡反都督于謹討平之

十四年五月太師宇文泰奉太子巡撫西境歷北長城

北齊

神武天平三年正月神武帥庫狄干等萬騎襲西魏夏州縛稍為梯夜入其城

隋

文帝開皇二年十二月突厥縱兵入上郡弘化延安六畜咸盡

詔改弘化郡復為夏州

五年使司農少卿崔仲方發丁三萬於朔方靈武築長城

十八年十二月夏州總管上柱國東萊公王景以罪伏誅

煬帝大業三年改夏州為朔方郡六月帝幸榆林郡啟民可汗來朝

四年三月幸五原七月發丁男二十餘萬自榆谷東築長城 按榆谷在

榆林西

十三年郎將梁師都據朔方

恭帝義寧元年三月梁師都畧定雕陰弘化延安等郡稱帝國號梁改元永隆
二年置德靜縣屬朔方郡 括地志夏州朔方縣之北什賁城即德靜縣

通志德靜縣在今懷遠縣界

唐

橫山縣志

卷二

三十一

榆林東順齋石印

高祖武德元年八月延州總管段德操攻師都克其東城師都退保西城會突

厥來救德操乃還

六年四月段德操攻梁師都破之

太宗貞觀二年夏四月遣柴紹引軍討梁師都朔方人殺之以降以其地為夏
州改巖綠縣為朔方縣仍夏州治

七年以德靜縣屬北開州尋改北開州為化州 括地志

十三年詔廢化州以德靜縣仍屬夏州 元和志德靜縣故城在夏州西

南八十里

十九年十二月薛延陀多彌可汗入寇發勝夏銀綏等州兵鎮勝州

高宗宏道元年夏州都督王方冀平綏州步落稽白鉄余之亂

中宗景龍二年三月朔方總管張仁愿築三受降城 按受降城在今河套

外陰山

明皇開元八年朔方突厥降戶謀作亂長史張說慰安之

九年夏四月蘭池胡康待賓寇夏州攻陷六胡州 按宋白曰六胡州在

德靜縣十二月置朔方節度使領單于都護府夏塩等六州

十年九月朔方節度使張說討康待賓餘党平之

天寶五年改夏州為朔方郡

肅宗乾元二年復稱夏州

代宗大歷九年春二月遣兵戍朔方 十二月回紇寇夏州梁榮宗破之於烏

水郭子儀遣兵救之回紇遁去 按烏水在夏州朔方縣

十一年春二月增朔方五城戍兵以備回紇 九月吐蕃寇塩夏郭子儀遣

兵拒却之

橫山縣志

卷一

三十二

榆林東順齋石印

德宗貞元三年置夏州節度使以夏綏銀三州統轄定難軍 二月駱元光復

夏州 唐書按定難軍時治夏州

宣宗大中三年十月塩夏等州地震

僖宗中和元年四月以宥州刺史拓跋思恭權知夏綏節度使

長慶二年十月復州大風堆沙高及城堞

四年以李祐為朔方節度使築烏延等五城 按烏延城在懷遠縣北

後梁

太祖開平四年夏州亂殺節度使李彝昌

同年秋七月岐人晉人攻夏州遣兵拒却之

後唐

明宗長興四年二月定難軍節度使李仁福卒子彝超自立為留後

後晉

齊王開運元年二月以李彝殷為西南面招討使將兵四萬自麟州濟河侵遼後周

太祖廣順元年五月夏州李彝殷叛附北漢

宋

太宗太平興國七年五月夏州留後李繼捧來獻銀夏綏宥四州地納之其弟繼遷奔入地斤澤以叛 通志地斤澤在夏州東北三百里今套地

按夏州自拓拔思恭

唐賜姓李

未嘗親朝中國繼捧至是率其族入朝乞

納其境內銀夏綏宥四州為遣使如夏州護其總麻以上親赴闕授繼捧彰德軍節度使并官其昆弟克信等十二人有差以曹光實為四州都巡檢使繼捧族弟定難軍都知番落使繼遷留居銀州聞使至詐言乳母死出葬於

橫山縣志

卷二

三十三

榆林東順齋石印

郊遂與其党徒奔入地斤澤嗣知夏州尹憲曹光實偵知夜襲破之斬首五百級焚四百餘帳繼遷遯去獲其妻母以歸李氏世著恩德於西人繼遷因出其祖像以示豪右曰李氏世有西土今一旦絕之爾等不忘能從我興復乎衆咸拜泣從者日衆至是勢漸疆大遂深為邊患

七年十一月詔赦銀夏等州常赦所不原者

十二月詔綏夏銀等州官吏招誘没界外民歸業仍給復三年

雍熙二年二月李繼遷攻銀州誘殺都巡檢曹光實于葭蘆川遂據銀州

三年二月李繼遷降于契丹以為定難軍節度使都督夏州諸軍事 契丹册李繼遷為夏國王以義成公主歸之

四年知夏州安守忠以三萬衆與夏人戰於王亭鎮敗績之

端拱元年五月以感德軍節度使李繼捧為定難軍節度使賜姓名趙保忠

十二月以夏州蕃落使李繼遷為銀州刺史充洛苑使

淳化二年七月李繼遷奉表請降以為銀州觀察使賜姓名趙保吉冬十月趙保吉隆遼遼封為西平王

三年李繼隆入夏州執趙保忠赴京師夏五月封保忠為宥罪侯

秋七月李繼遷遣使來貢

淳化五年夏四月削趙保吉姓名墮夏州城

保吉徙綏州居民於平夏即夏州部將高文岷等因眾不樂反攻敗之保

吉復圍堡砦焚掠居民積聚詔李繼隆帥師進討保吉遁去帝以夏州深在沙漠欲墮其城呂蒙正曰自赫連築城以來頗為關右之患若遂廢之萬世利也乃詔墮之遷其民二十萬於銀夏間

至道元年夏州團練使趙元嗣獻嘉禾五行志

橫山縣志

卷二

三十四

榆林東順齋石印

二年四月命李繼隆為環慶都部署討李繼遷七月命殿前都指揮使王超為夏綏麟府州都部署十月夏州地震城郭廬舍多壞

三年十二月李繼遷請降以為定難軍節度使以夏銀綏宥靜五州與之

仁宗明道元年以趙元昊為定難軍節度使封西平王

寶元元年十二月趙元昊稱帝於夏州改元廣運以振武軍節度知延州范雍兼鄜延環慶安撫使經畧夏州

慶歷元年正月詔諸道會兵討元昊不果行

三年春正月趙元昊上書請和封為夏國王更元昊名曩霄而不稱臣旋遣保安軍判官邵良佐使元昊賜封夏國主歲賜絹十萬疋茶三萬斤
四年五月曩霄遣使來上表復稱臣七月遼遣使來告伐夏
五年二月夏遣使來賀正旦十月頒歷於夏國

八年春正月曩霄卒 二月夏人來告哀四月封李諒祚為夏國主

皇祐元年三月遼遣使來告伐夏

二年遼遣使以伐夏師還來告

英宗治平三年十二月夏主諒祚卒子秉常立

四年六月復西夏和市

神宗熙寧四年正月种諤謀取橫山帥師襲夏人於囉兀城大敗之遂城囉兀元豐四年九月种諤及夏人戰於無定川大敗之

帝召鄜延總管种諤入對遂決意西征命李憲出熙河种諤出鄜延高遵裕出環慶梁昌祚出涇原王中正出河東諤率本路並畿內七將兵攻米脂夏兵八萬來援諤遇之無定川大破之降守將令介訛遇諤留千人守米脂而自帥大軍進攻銀石夏州遂破石堡城

夏州西南

進軍索家坪

夏

橫山縣志

卷二

三十五

榆林東順齋石印

州城南

糧盡乃引還

金

太宗天會六年婁寶克靖邊懷遠寨 按懷遠寨名始見史傳

宣宗興定四年二月元帥慶山奴攻夏宥州圍神堆府穴其城

哀宗正大四年夏六月蒙古鐵木真滅夏以夏主睨歸

元

世祖至元十七年五月作行宮於察罕腦兒 史紀在懷遠縣北

明

洪武四年大將軍湯和攻察罕腦兒獲猛將虎陳定東勝

景泰元年春正月勅延綏總兵王禎鎮守原舊堡寨

天順元年三月石亨為征虜將軍勦寇延綏

二年城懷遠堡撤土門軍守之

五年冬阿羅出寇延綏尋毛里孩等入河套

六年套寇擾邊巡撫王越撫寧侯朱永遣都督僉事靖虜將軍許寧及遊擊孫鉞禦之至波羅堡相持三日夜寇乃解去

正統元年都督王禎建沿邊墩臺衛堡倉城控制邊防

二年巡撫郭置響水堡

十年巡撫馬恭置波羅堡

成化二年六月套酋毛里孩入寇命將軍彰武伯楊信總諸鎮兵擊之于狄青原寇錯愕盡棄所掠人畜渡河遁去

按狄青原在縣西清平堡

同年十一月尚書王復移响水堡於黑河山更名平夷堡移清平堡於白落城

方輿紀

橫山縣志

卷二

三十六

榆林東順齋石印

五年巡撫王銳撤大兔鶻堡軍移守威武堡

六年閏九月置榆林衛

按縣境是時半屬榆林衛

七年三月套寇阿羅出以萬餘騎分掠懷遠諸堡撫寧侯朱永總督王越分兵設伏之追至山口乃滉忽都河寇敗走

何志

同年延綏巡撫余子俊以平夷堡水泉枯涸白落城距水太遠乞仍還故治並增脩懷遠堡城

方輿紀

十年閏六月余子俊大脩延綏邊牆東起清水營西訖花馬池計長一千七百里橫治五堡邊垣均轄之

十二年乙丑十一月波羅堡殞星二如輻軸一墜樊家河一墜本堡火光燭天宏治元年冬勅延綏巡鎮防邊

十四年正月火篩寇延榆地震有聲

正德元年楊一清總制邊務

四年總兵官馬昂出邊大捷套寇大舉犯波羅堡韓家山總兵吳江往禦之
六年六月小王子入河套犯沿邊諸堡

嘉靖十年閏六月總督王瓊請蘭州至榆林三千里悉築邊垣乞發帑金十萬
先脩大邊從之 府志

十三年三月乙酉吉囊犯响水堡叅將任傑擊敗之

十九年三月套酋入榆林塞破清平堡延綏總兵官周尚文駐兵狄青原邀擊
之以捷聞 鎮志

二十五年冬十月丁亥俺答犯清平堡遊擊高極戰死之

同年總督曾銑議復河套 通志

三十二年套虜入犯波羅堡御史王以旂擊敗之

橫山縣志

卷二

三十七

榆林東順齋石印

四十五年延綏巡撫王遴以中路清平孤險增兵屯守

隆慶元年丁卯二月榆林懷遠諸堡旗杆戈戟火出有聲

同年二月套虜攻清平堡遊擊郭鈞等固守不下虜乃引去

五年延綏巡撫郃光先重脩大邊自保寧至波羅堡東西三十里 鎮志

六年增脩加高懷遠威武清平三堡城垣 鎮志

萬曆六年重脩懷遠諸堡並磚砌牌牆

九年靖邊道文作脩清平水口 按即今之烏龍口也

二十四年清平叅將公署房脊瓦獸吐火有聲大門石獅亦吐火

三十年巡撫劉敏寬破猛克什力於响水堡又明年大破於懷遠堡叅政陳長
祚與巡撫規畫機宜靡不奇中報三大捷詔賜金幣 何志

三十七年冬月沙計及猛克什力犯波羅延綏總兵官張承蔭邀却之

三十八年四月巡撫涂宗濬脩邊去積沙沿邊大旱饑民多疫死

鎮志

三十九年四月設邊鎮常平倉

四十年沙計復入塞總兵張承蔭遮擊之於響水斬首七百餘級

四十二年秋九月懷遠諸堡地震

何志

天啟元年察罕入套

三年都督同知杜文煥清平叅將趙大元副總兵杜宏域守備懷遠都指揮趙濟美奉詔建三捷關武安王祠

崇禎元年陝北大饑府谷王嘉允倡亂合不沾泥楊六郎白水王二等相聚為盜

四年正月神一元破寧塞圍靖邊據保安十一月大雪至明年正月不止深丈餘人畜死者過半陝北連年飢旱盜賊紛起闖將李自成竄入綏德西川賊王

橫山縣志

卷二

三十八

榆林東順齋石印

左掛子子順苗美隊中為八隊闖將從者甚衆自此亂作巡按御史李應期至綏德誅王子順自成率其部渡河掠絳州會點燈子攻沁水蒲州等地分三十六營推紫金梁為首同年套人入寇攻襲威武堡守備梁璞力戰死之

八年夏李自成復入陝西巡撫洪承疇檄延綏東路副總兵曹文詔會師勦賊文詔偕從子變蛟夜過五峪寇伏險以誘文詔擊敗之進至波羅變蛟統銳師在前文詔殿後賊從中起截官兵為二轉戰至三水縣之鞏頭原變蛟敗走文詔與過天星亂世王自成等力戰無援兵潰自刎死

九年李自成犯榆林總兵賀人龍擊敗之 四月總兵俞翀霄擊自成於安定被執死之

十三年春二月風霾雨土大饑

鎮志

十四年六月大水

鎮志

十五年二月雨土

鎮志

十六年十一月李自成遣左營權將軍劉芳亮後營制將軍李過攻陷榆林
十七年正月天鼓鳴三月十九日李自成犯京師懷宗崩
清

順治二年正月十四日清靖遠大將軍英王將兵八萬渡河至榆林賊將高一
功拒官兵於常樂堡敗走響水次日清兵入城安撫兵部將姜壤追至波羅大
破之遁去

鎮志

十年以延綏中協副總兵移駐波羅

同年雨粟地震有聲

康熙二年設懷遠波羅響水清平等堡守備

八年定鎮標三營兵制

橫山縣志

卷二

三十九

榆林東順齋石印

十四年清平堡周世民聚衆為亂勾結闖將官賀桓定邊叛將朱龍破西路
各營堡進逼榆林城軍民効死固守三月不下

同年三月延綏總兵許占魁檄波羅副將張國彥固守波羅拒賊東出朱龍
素畏國彥威悉衆赴波羅城陷國彥戰死

同年六月朱龍據神木各城堡上命平逆將軍畢力克圖以禁旅來援朱龍
遁走寧夏旋被擒於沙家澗周世民死於亂軍中餘党悉誅

二十一年詔延綏沿邊四十里外准內地人民遊牧

三十六年理藩院奏請延綏沿邊民人准往套地開墾

雍正三年設置波羅堡州同威武堡巡檢

八年裁沿邊衛堡以懷波响威清五堡置懷遠縣隸榆林府廢波羅州同威
武巡檢

乾隆三年冬月懷遠大地震民舍城垣傾毀過半

四年懷遠大旱饑饉連年知縣蘇其炤賑之

八年上命總督慶復兵部尚書班第臨邊定議內外人民租耕蒙地永遠章程

十年邑知縣蘇其炤創脩孔廟及懷陽書院

三十二年邑知縣胡紹祖請帑銀三萬兩重脩波羅响水兩堡城垣鑿築經營煥然一新

四十七年裁改清平堡守備為把總

五十八年裁改波羅副總兵為叅將改懷遠堡响水堡守備為都司

六十年裁响水堡都司

嘉慶元年懷遠旱災奉旨濟銀八萬七千餘穀二萬二千石

橫山縣志

卷二

四十

榆林東順齋石印

二年徵調延綏鎮兵協勦漢中四川湖北等處匪亂中協波羅各營陸續赴援至五年止

十七年裁清平堡把總

鎮志

十九年七月懷遠雨雹秋禾被霜盡傷受災九十一村輕重不等同年八月

地震

府志

十八年六月懷遠二十村雨雹

府志

二十五年夏霪雨波羅沙澗海子潰決成溝十里

道光元年裁撤懷遠堡都司

二年夏懷遠大疫

五年六月懷遠雨雹被災十九村

府志

十七年沿邊蒙地重壘石立界招內地人民移墾次年縣屬被雹成災甚重

同年夏縣南響水堡黃窪子大水衝決成溝長里許

二十年六月懷遠雨雹被灾二十四村

二十五年榆林府知府徐松檄懷遠知縣何丙勲確查夏統萬城故址報告

達部

蒙古遊牧紀

咸豐四年大稔斗米制錢一百六十文粟六七十文

五年六月大雨縣屬波羅堡硬地梁河洪水橫潰兩月

十年七月邑境大疫屍體枕籍

同治元年回匪起於渭南關隴響應七月十五日夜半星殞如雨

三年多將軍隆阿討滅陝回餘党幸脫者盡驅入寧夏慶陽一帶漸逼陝境

五年春三月甘邊寧固回匪叛亂殺掠遍地陝北各縣聞風騷動縣屬堡營

整飭軍防嚴施警戒

橫山縣志

卷二

四十一

榆林東順齋石印

六年四月三日回酋楊三曾率衆由望瑤堡來擾縣屬邱家坪賊至商民巷

戰爭先死難

靖邊志

同年秋大稔

同年冬十一月初十日回首馬大瀛擁衆數千自大理河南來猛撲响水堡

圍攻十二日堡民固守不下尋解去

同年十二月初二日夜半大星孛於西光芒萬丈作有聲墜於响水堡城

南角

七年正月賊帥馬震河率衆萬餘竄入陝境連陷定靖各營劫掠清威居民

初九日長驅至縣十一日曙邑城陷焚殺無算知縣劉昌蕃殉難

同年正月十三日晨波羅城陷叅將阿章阿同守備德貴靖邊都司德昌殉

難簡放總兵文星明由榆奉令率兵星夜赴援甫抵波城孤軍陷入賊叢憤

力轉戰手刃無算卒衆寡懸絕墜馬身殉軍民死傷萬餘虜掠人畜殆盡
同年正月十四日夜半賊匪南下圍响水兩日蟻擁沿川妖氛蔽日翌晨東
向走去

同年三月十八日董福祥與馬三營回匪鬪殺於懷遠堡之邵家坵一帶死
傷甚多屍體蔽野遮斷行旅

同年七月逆行楊曾三與甘匪相和既回劫匪糧匪率大隊追擊於縣境油
房頭殺回數千人擒回酋楊曾三甘州馬斬之民大稱快延綏總兵劉厚基
率大軍追勦回匪道經波响賜金築城安撫災黎

八年豺狼群聚噬人農民閉戶警戒

十二年六月無定河大水沿川冲沒牲畜禾稼無算响水西關街市湮毀

十三年六月响水堡東新開溝沙磧起蛟山水暴漲冲决成溝

橫山縣志

卷二

四十二

榆林東順齋石印

光緒元年陝西撫標軍統領黃道員燹封帶兵駐防石灣鎮放散牛羊籽糧民
人稱頌六月大雨雹

二年春正月元旦陝西撫標軍統領黃燹封被刺於清平堡之石灣鎮上下
驚擾知縣李公嘉謨撫定之

三年懷遠自春徂夏旱無滴雨赤野千里斗未銀二兩饑民殍斃者甚衆邑
知縣李公嘉謨勸募請賑多方救濟貧民賴以生存者指不勝計冬大雪深
二尺許

四年春大疫山中野狼成群噬人商旅裹足

六年五月十三日地震有聲

十三年七月初的大雨連綿 注不己縣東响水堡之方家河溝洪水暴發
擁塞無定河上流五十餘里瀾漫汪洋逆流數月同時波羅堡口外扯冰灘

水口亦潰決為溝

同年十月二十二日夜星隕飛流亂洛如雨

十五年夏四月大風暴烈飛沙捲石縣境人畜被吹數日不見村莊房舍多遭損害

十八年夏冰雹亢旱邑民大飢發散義倉穀粟賑濟難民

二十一年夏閏五月初三日晨地訛甘回叛亂縣屬五堡同時驚擾男女老幼奔走呼號集衆登寨守城儼如臨敵

初甘肅秦州回族與漢人以易馬細故牽動交涉回民奪劫馬匹聲勢洶洶亂機將成陝甘督部命固原提督率師包圍頑抗不下陝北各縣聞風畏懼以遙傳波及故有是耗

二十二年榆林府知府飭修響水天生橋砌鑿中洞石階丈餘填築東洞渠

橫山縣志

卷二

四十三

榆林東順齋石印

路

二十四年春二月響水堡東南蒙骨律山盜掘王墓金玉珍品延綏兵備道神木廳理事同知會勘查驗邑知縣張祥齡懲治盜匪

同年十月初一日大霧三日晦暗如夜是日戌刻天鼓鳴

二十六年夏四月天鼓鳴大風晝晦

同年縣境大旱秋禾無粟斗米銀一兩四錢餓殍塞途死者甚衆

二十八年夏瘟疫大熾商旅隔絕往來

三十二年秋七月知縣章春芳創縣立高等小學堂

宣統二年秋八月哈雷大慧星現於西北狀如帚形光亮丈餘半夜不沒

三年六月十一日午天現赤雲貫澈東西蜿蜒如龍蛇形

同問年冬十月初十日豫人李夫聚党百餘人盤據縣城初六日縣民王繼

成殺波羅守備穆克金額

同年十一月十日邑知縣秦駿聲督率民團千餘人勦匪於縣南川之殿吉寺斬首百二十餘級團總魯炳業與力焉十六日波羅民團擒斬王繼成等六人驅逐餘党邑境肅清

附記

民國元年一月廢縣屬五堡營制裁撤波羅叅將守備 知縣為知事

同年二月豁免縣屬歷年民欠丁糧田賦

同年春三月知事秦駿聲倡議修復縣城百餘丈門樓城堦次第斬新次年竣工

二年五月十三日陝北各縣烟禁森嚴葭縣神團群聚為亂知事李世英力事剷除邑奸細藉民團名義附和號召夜集於縣南响水堡殺傷榆林巡防

橫山縣志

卷二

四十四

榆林東順齋石印

隊丁七人旋痛加懲罰

三年二月內務部令改懷遠縣為橫山縣

初內務部議劃一全國縣名以懷遠縣與廣西之柳州府安徽之鳳陽府縣名重複張騫長部時擬改巖綠嗣部長更迭故定今名蓋以縣屬清平堡之 墩梁山為橫山山脈主峯所在因地命名有由來也

五年夏四月土匪勾結套內馬賊攻圍縣城七日尋急去十一月積雪三尺寒凍與常

同年秋八月匪首盧占魁率衆由東繞經波响竄至縣屬口外之蓆季灘團民拒戰死者五十餘人

六年冬十二月盧匪三千人出擾橫山邊境蜈蚣界海流兔河一帶擄掠甚慘

七年八月二十日晨土匪曹老九由清澗北竄連夜襲破縣城掠奪牲畜財物無算縣南石灣鎮被灾尤重陝北鎮守使井公派軍追剿
八年六月十一日大雨縣南清平堡冷窑子平地起蛟十餘丈大理河沿川淹没人畜無數

九年夏大旱成灾雨雹遍境

同年十月十一日晚地大震有聲自西北來縣城門樓崩塌壓傷居民

十二年夏縣境亢旱成灾四月初五石灣雨雹如卵人畜被灾

十七年春大風數月入夏復亢旱不雨縣境山野赤濯草木萎枯籽種牛羊同歸於盡秋收全無糧運絕望男女老幼悉逃晋東就食邑民流離失所充塞道路啼飢號寒厥狀凄慘

十八年春旱無雨烈風怒號百日田禾盡被沙壅邑境飢饉益厲草根樹皮

剝掘殆盡甚至以骨木果腹販人成市賑濟乏術斗米易銀五圓村莊成墟戶絕烟火誠百年^來罕有巨灾夏盡始降大雨苗稼勃發轉臻豐稔

革命紀畧

一革命事畧 橫山逼處蒙邊民智錮蔽晚清文化輸溉鈍滯地方人士於革命思想尤如談虎間有一二志士憤慨清政腐敗但以干格風氣官吏壓迫亦飲恨吞聲鮮有挺身反抗者當辛亥西安起義縣境革命志士聞風思動崛起號召剷除滿族官吏冀與陝西革命當局聯絡響應旋以畛域起釁致未成功嗣後學風漸興出身學校者遙聞孫中山先生復倡義於廣州從事北伐於是投身革命入黃浦軍官學校者實繁有徒其間革命犧牲殉難黨國者就見聞所及於革史上頗有一線之光榮也十五年由縣學界同志設立黨部藉以喚醒民衆現時革命思想磅礴信仰三民主義努力實行党的

工作者日多前程未可局量焉

二革命志士

魯炳業 字耀卿邑屬威武堡人膂力過人忠勇樸訥素蓄革命思想反正時即糾合同志組織地方自衛團軍除惡綏良悍衛桑梓十餘年前充第二集團軍第九路騎兵旅連長

雷雲孚 字雨亭橫山波羅堡人縣立高小校畢業家貧敏勉好學恒以努力奮鬥自勵十三年聞廣東革命軍興隻身南下偕同志入黃浦軍官學校翌年春陳炯明盤踞東江一帶陰圖顛覆革命根基蔣校長中正率領學生奉命征討雲孚以正隊長隨行淡水之役奮勇當先幾致身亡凱旋駐防梅縣於十四年四月被敵狙刺蔣校長深加惋惜親視含殮葬遺櫬於東門外北伐告成國民政府優賜撫卹

橫山縣志

卷二

四十六

榆林 東順齋石印

李文彬 字蔚如縣屬懷遠堡人山西陸軍斌業中學校畢業秉性忠實曾充國民二軍高桂枝部排長嗣以該部反奉加入革命戰線升任連長駐防河南淮陽十六年五月土匪出沒擾亂夤夜敵犯營部衝鋒身亡

三現時革命軍官

喬九齡 字孟錫縣屬响水堡人廣東黃浦軍官學校卒業為人沉毅有雄志十五年在廣東黃浦學校政治部工作十六年隨軍北伐擢升國民革命軍獨立團第一營第一連少校連長現任國民革命軍第九軍第三師衛隊營第一連連長駐防徐州

張長發 字伯英邑屬盛武堡人縣立高小校畢業參加反奉戰爭卓有功績現任國民革命軍第一集團軍第四十七軍高桂滋部連長駐防河北省通州一帶

夏傳

赫連勃勃字屈子曾祖鐵弗劉武南單于苗裔左賢王去卑之孫劉元海之族也劉聰世以宗室封樓煩公北部帥劉猛之從子居於新興虜意之北俗謂父為鮮卑母為鐵弗因以號為姓武父誥汁爰世領部落汁爰死武代焉武死子務桓代領部落務桓死弟闕陋頭代立後務桓子悉勿祈逐闕陋頭而立悉勿祈死弟衛辰代立衛辰勃勃之父務桓之第三子也既立入居塞內遣子朝獻昭成以女妻之衛辰潛通苻堅堅以為左賢王昭成末衛辰導苻堅寇魏南境堅遂分國人為二部自河以西屬之衛辰自河以東屬之劉庫仁堅後以衛辰為單于堅亂遂有朔之地登國中衛辰遣子直力鞬寇南部其衆八九萬道武軍五六千人為其所圍帝乃以車為方營并戰并前大破之於鐵岐山南直刀鞬單騎走帝乘勝追之自五原全津南渡河徑入其國遂至衛辰所居悅跋城

橫山縣志

卷二

四十七

榆林東順齋石印

衛辰父子驚遯乃分遣陳留公元虔南至白塩池擄衛辰家屬將軍伊謂至木根山禽直力鞬衛辰單騎遁去為其部下所殺傳首行營衛辰第三子屈丐奔薛干部帥太悉伏屈丐本名勃勃明元改其名曰屈丐北方言屈丐者卑下也太悉伏送之姚興高平公破多羅沒奔干妻之以女屈丐身長八尺五寸腰帶十圍性辯慧美風儀興見而奇之拜驍騎將軍加奉車都尉常參軍國大議寵異踰於勛舊興弟濟南公邕言於興曰屈丐天性不仁難以親育貴寵之太甚臣竊惑之興曰屈丐有濟世之才吾方收其藝用與之取天下有何不可乃以屈丐為安遠將軍封陽川侯使助沒奔干鎮高平邕固諫以為不可興乃止以屈丐為持節安北將軍五原公配以三交五部鮮卑二萬餘落鎮朔方道武末屈丐襲殺沒奔干而并其衆自以匈奴為夏后氏之裔國名大夏僭稱大夏天王號年龍昇置百官立其妻梁氏為王后子瓚為皇太子封子延昌倫定滿安等

為公屈丐恥姓鐵弗遂改為赫連氏自云徽赫與天連又號其支庶為鐵伐氏云族剛銳如鐵皆堪伐人晉將劉裕攻長安屈丐聞而喜曰姚泓豈能拒裕裕必克之待裕去後吾取之如拾遺耳於是秣馬勵兵脩養士卒及劉裕禽泓留子義真守長安屈丐伐之降者屬路取長安大破義真積人頭為京觀號曰髑髏臺遂僭帝位于灊上號年為昌武定都統萬勒銘城南頌其功德以長安為南郡都勃勃性懦虐視人如草烝土以築城鐵錐刺入一寸即殺作人而并築之所造兵器匠呈必死射甲不入即斬弓人如其入便斬鎧匠殺工匠數千人常居城上置弓劍於側有所嫌忿手自殺之群臣忤視者鑿其目笑者決其脣諫者謂之誹訕先截其舌而後斬之議廢其子瓚瓚自長安起兵攻屈丐遣子太原公昌破瓚殺之屈丐以昌為太子始光二年屈丐死昌僭立昌字還國一名折屈丐之第二子也既僭位改年承光太武聞屈丐死諸子相攻關中大亂

橫山縣志

卷二

四十八

榆林東順齋石印

於是西伐乃以輕騎一萬八千濟河襲昌徙萬餘家而還後昌遣弟與司空奚斤相持於長安太武乘虛西伐濟君子津輕騎三萬倍道兼行次於黑水分軍伏於谷而以少衆至其城下示昌以弱昌引衆出城步騎三萬司徒長孫翰等咸言昌步陣難陷宜避其鋒且待步兵一時奮擊帝曰不然遠來求賊恐其不出今避而不擊彼奮我弱非計也遂收軍偽北引而疲之昌以為退鼓譟而前舒陣為翼行五六里帝衝之賊陣不動稍前行會有風起方術官趙倪勸帝更待後日崔浩叱之帝乃分騎為左右以倚之昌軍大潰不及入城奔投上邽遂尅其城初屈丐奢好脩宮室城高十仞基厚三十步上廣十步宮牆五仞其堅可以礪刀斧臺榭高大飛閣相連皆雕鏤圖畫被以綺繡飾以丹青窮極文采帝顧謂左右曰蕞爾小國而用人如此雖欲不亡其可得乎侍御史安頡禽昌使侍中古弼送昌至京師舍之封為秦王尋坐謀反伏誅昌弟定小字直獍屈

丐之第五子也凶暴無賴昌敗定奔於平涼自稱尊號改年勝光定登陰槃山望其本國泣曰先帝以朕承大業者豈有今日之事乎使天假朕年當與卿諸人建季興之業俄而群狐百數鳴於其側定命射之無所獲惡之曰所見亦大不臧咄咄天道復何言哉定與宋連和遙分河北太武親率輕騎襲平涼詔武衛將軍丘眷擊之定被創遯走西保上邽神慶四年為吐谷渾慕容瓚所襲禽定送京師伏誅

梁 傳

梁師都夏州朔方人為郡豪姓仕隋為鷹揚郎將大業末罷歸結徒起為盜殺郡丞唐世宗據郡稱大丞相北聯突厥與隋將張世隆戰敗之因畧定雕陰弘化延安等郡自為梁國僭皇帝位祭天於城南坎地座玉得印以為瑞建元永隆始畢可汗遣以狼頭纛號大度毗伽可汗解事天子遂導突厥兵居河南地

橫山縣志

卷二

四十九

榆林東順齋石印

拔塩州郡初五原守櫟陽張長遜舉郡附突厥郝瑗說薛舉與師都及突厥連兵以取長安舉從之與莫賀咄設謀入寇唐王即遣都水監宇文歆賂莫賀咄設止其出兵又說長遜入朝已卯武都宕渠五原等郡皆降王即以長遜為五原太守六月師都寇靈州驃騎將軍蘭興粲擊破之榆林賊帥郭子和遣使來降以為靈州總管二年三月師都寇靈州長史楊則擊走之三年七月師都引突厥尺稽兵寇延州行軍總管段德操擊破之斬首千餘級逐北二百里破其魏州八月師都石州留守張舉帥千餘人來降師都大懼遣尚書陸季銑說突厥處羅可汗令莫賀咄設入五原泥步設與師都趨延州突利可汗與契丹入幽州處羅自攻并州已而處羅死兵不出又為德操所破六年其將賀遂索周以所部十二州降德操遣兵攻之拔東城師都保西堡會突厥救至德操引還貞觀二年太宗知突厥政亂不能庇梁師都以書諭之師都不從遣夏州都督

長史劉旻司馬劉蘭成圍之旻等數遣輕騎踐其禾稼名所反閒離其君臣其國漸虛降者相屬其名將李正寶等謀執師都事洩來奔由是上下益相疑旻導知可取上表請兵上遣右衛大將軍柴紹殿中少監薛萬均攻之又遣旻等據朔方東城以逼之師都引突厥兵至城下劉蘭成偃旗息鼓不出師都竄遯蘭成追擊破之突厥大發兵救師都柴紹等未至朔方數十里與突厥遇奮擊大破之遂圍朔方突厥不敢救城中食盡師都從父弟洛仁殺師都以城降擢洛仁為右驍衛將軍朔方郡公自起至亡十二年以其為夏州

西夏傳^上

夏之先本出拓拔氏唐貞觀中有拓拔赤辭者以地內屬太宗賜姓李置靖邊等州處之其析居夏州者號平夏部唐末拓拔思恭討黃巢得權知夏綏銀節度使賊平封夏國公思恭卒弟思諫代為定難軍節度使思諫卒思恭孫彝昌

橫山縣志

卷二

五十

榆林東順齋石印

嗣梁開平中彝昌遇害將士立其族子蕃部指揮仁福仁福卒子彝興嗣加定難軍節度使歷晉漢周加中書令封西平王累加太傅宋初加太尉卒贈太師追封夏王子克睿立克睿授定難軍節度使率兵破北漢吳堡砦獻其俘累加檢校太尉卒贈侍中子繼筠立授檢校司徒定難軍節度觀察留後卒弟繼捧立以太平興國七年率族人入朝太宗甚嘉之繼捧願留京師乃遣使夏州護總麻己上親赴闕授繼捧彰德軍節度使并官其昆弟克信等十二人有差繼而其弟權知夏州克文來朝以唐僖宗所賜其祖思恭鐵券及朱書御札來上改博州防禦使初繼捧之人也弟繼遷出奔及是數為邊患有言繼捧泄朝廷事於繼遷者乃出為崇信軍節度使端拱初改感德軍節度使屢發兵討繼遷不克用宰相趙普計欲委繼捧以圖之因召赴闕賜姓趙氏更名保忠授夏州刺史充定難軍節度使夏銀綏宥靜等州觀察處置押蕃落等使至鎮數月上

言繼遷悔過歸欵乃授繼遷官然實無降心也二年加保忠特進同中書門下平章事淳化元年與繼遷戰於安慶澤繼遷中流矢遯去保忠乞益師遣商州團練使翟守素率兵援之五年繼遷攻靈州遣遷侍衛馬軍都指揮使李繼隆討之保忠光挈其母與妻子壁野外乃上言與繼遷解怨獻馬乞罷兵帝覽奏立遣中使督繼隆將軍及兵壓境保忠反為繼遷所圖襲其營帳保忠單騎走還城為指揮使趙光嗣執送汴責授右千中衛上將軍封宥罪侯賜第京師保忠怏怏不自得景德元年卒贈威塞軍節度使克文亦死贈岳州防禦使天禧四年錄其孫從吉為三班奉職繼遷繼捧族弟也高祖思忠嘗從兄思恭討黃巢戰沒贈宥州刺史曾祖仁顏唐銀州防禦使祖夔景仕於晉父光儼仕於周建隆四年繼遷生於銀州無定河生而有齒開寶七年授定難軍內都知蕃落使繼捧之歸宋時年二十留居銀州及使至召總麻親赴闕乃詐言乳母死出葬

橫山縣志

卷二

五十一

榆林東順齋石印

奔入地斤澤澤距夏州東北三百里太平興國八年知夏州尹憲與都巡檢曹光實偵知夜襲破之斬首五百級焚四百餘帳繼遷與其弟遯免獲其母與其妻繼遷復連聚豪族轉遷無常漸以疆大而西人以李氏世著恩德往往多歸之繼遷因語其豪右曰李氏世有西土今一旦絕之爾等不忘李氏能從我興復乎衆曰諾遂與弟繼翀頗丑重遇貴張浦李大信等起夏州乃詐降誘殺曹光實於葭蘆川遂襲銀州據之時雍熙二年二月也三月破會州焚毀城郭而去三年遼以義成公主嫁繼遷冊為夏國主四年知夏州安守忠以三萬衆戰於王亭鎮敗績淳化二年遼封繼遷為西平王奉表歸欵以為銀州觀察使賜姓名趙保吉四年轉運副使鄭文寶議禁塩池用困繼遷數月邊人四十二族萬餘騎寇環州屠小康堡太宗乃遣錢若水弛其禁因撫慰之五年正月繼遷徙綏州民於平夏部將高文岷等因衆不樂反攻敗之繼遷遂攻靈州詔李繼

隆等進討四月削趙保吉姓名帝以夏州深在沙漠奸雄因以竊據欲墮其城
呂蒙正曰自赫連築城以來頗為關右之患若遂廢之萬世利也乃詔墮之遷
其民於綏銀七月乃獻馬以謝至道元年遣左都押衙張浦以橐駝俚馬來獻
且乞禁邊盜掠詔令謹守疆場還所盜物遣閤門副使馮訥中使賈繼隆持詔
拜繼遷鄜州節度使不受以浦為鄭州團練留京師二年春奪宋靈州饋運三
年復命李繼隆為環慶等州都部署會四方館使曹璨自河西至言繼遷衆餘
圍靈武城上表告急九月帝親部分諸將繼隆出環丁罕出慶范廷詔出延王
超出夏張守恩出鄜五路進討直抵平夏兵行數日與丁罕合又行十餘日無
所見乃引還張守恩不戰而遯王超范廷詔遇之於烏白池大小數十戰不利
諸將失期士卒困乏繼遷復令軍主史不乴駐屯橐駝口以阻歸路繼隆遣田
敏等擊之咸平春繼遷復表歸順真宗乃授繼遷如保忠官加邑千戶實封二

百戶益功臣號放張浦還尋遣弟繼瑗來謝恩授繼瑗亳州防禦使封繼遷母
衛慕氏衛國太夫人子德明為定難軍節度行軍司馬未幾復抄邊四年秋八
月帝以李繼遷雖入貢而鈔劫益甚乃遣張齊賢行邊齊賢言靈武孤城必難
固守通判永興軍何亮復言靈武地方千里表裏山河決不可舍之以資戎狄
帝不能決詔群臣議棄守之宜楊億言棄之便輔臣咸言不可帝以問李沆沆
曰繼遷未死靈州非朝廷有也莫若遣使密召州將吏部分軍民空壘而歸如
此則關右之民息肩矣帝不從以王超為西面行營都部署援靈州九月李繼
遷寇清遠軍都監段義叛降之繼遷勢益張大復攻定州懷遠又掠鞏重至唐
龍鎮副都部署曹璨以蕃兵邀擊敗之咸平五年三月李繼遷陷靈州初知州
裴濟謀輯八鎮興屯田之利民甚賴之繼遷大集蕃部來攻濟被圍餉絕刺指
血染奏求救兵不至城遂陷濟死焉帝得報悔不用李沆之言詔王超屯永興

軍六 春 以靈州為西平府 之詔遣張崇貴王涉議和劇河西銀夏等五州與之六月復以二萬騎圍麟州詔金明巡檢李繼周擊之圍未解麟州部署請濟師真宗閱地圖曰麟州依險三面孤絕戮力可守但城中乏水可憂耳乃遠兵赴援繼遷果據水砦薄城已五日知州衛居竇出奇兵突戰殺傷萬餘人繼遷去遂率衆攻西蕃取西涼府都首領潘羅支偽降繼遷受之不疑羅支遽集六谷蕃部及者龍族合擊之繼遷大敗中流矢景德元年正月卒年四十二子德明立諡曰神武廟號太祖墓號裕陵德明小字阿移母曰順成懿孝皇后野利氏即位於柩前時年二十三邊臣以德明初立乞詔撫之帝乃詔德明令審圖去就知鎮戎軍曹瑋上言繼遷擅河南地二十年兵不解甲使中國有西顧之憂今其國危子弱不即捕滅後更疆盛不可制矣願假臣精兵出其不意擒德明送闕下復河南為郡縣此其時也帝欲以恩致德明不報德明遣牙

橫山縣志

卷二

五十三

榆林 東順齋石印

將王旻奉表歸順詔答之三年復遣牙將仁勗奉誓表請藏盟府且言父有遺命帝嘉之乃授特進檢校太師兼侍中持節都督夏州諸軍事行夏州刺史上柱國西平王餘如故因責子弟入質德明謂非故事不遣乃獻馬謝恩四年五月母罔民薨以殿中丞趙集為吊贈兼起復官告使德明以樂迎至柩前明日釋服涕泣對使者自陳感恩大中祥符元年以天書加賜守正功臣俄境內旱詔權場勿禁西人市糧以賑其乏東封又遣使來獻禮成加兼中書令時遼亦遣使冊德明為大夏國王三年境內飢上表求粟百萬朝議不知所出時王旦為相請敕有司具粟百萬於京師詔其來取德明既得詔曰朝廷有人遂止大起宮室於斂子山會 西攻河州甘州宗哥族及秦州緣邊熟戶遂出大理河築柵蒼耳平四年祀汾陰進中書今又加守太保又加宣德功臣天禧初加守太傅三年加崇仁功臣乾興元年加純誠功臣德明城懷遠鎮為興州以居仁

宗即位加尚書令德明娶三姓衛慕氏生元昊咩迷氏生成遇訛藏屈懷氏生
成嵬天聖九年十月德明卒年五十一追諡曰光聖皇帝廟號太宗墓號嘉陵
宋贈太師尚書令兼中書令以尚書度支員外郎朱昌符為祭奠使子曩霄立
曩霄本名元昊小字嵬理國語謂惜為嵬富貴為理母曰惠慈敦愛皇后衛慕
氏遼以興平公主妻之性雄毅多冠大畧善繪畫能剝製物圓面高準身長五尺
餘少時好衣長袖緋衣冠黑寇佩弓矢從衛步卒張青蓋出乘馬以二旗引百
餘騎自從曉浮圖學書蕃漢文字案上置法律常攜野戰歌太乙金鑑訣弱冠
獨引兵襲破回鶻夜洛隔可汗王奪甘州遂立為皇太子數諫其父勿臣宋父
輒戒之曰吾以用兵疲矣吾族三十年衣錦綺此宋恩也不可負元昊曰衣皮
毛事畜牧蓄性所便英雄之生當霸王耳何錦綺為德明卒即授特進檢校太
師兼侍中西平王如故以工部郎中楊吉為旌節官告使禮賓副使朱允中副

橫山縣志

卷二

五十四

榆林東順齋石印

之既襲封明號令以兵法勒諸部始衣白窄衫氈冠紅裏冠頂後垂紅結綬自
號嵬名吾祖凡六日九日則見官屬其官分文武班曰中書曰樞密曰三司曰
御史臺曰開封府曰翊衛司曰官計司曰受納司曰農田司曰羣牧司曰飛龍
院曰磨勘司曰文思院曰蕃學曰漢學自中書今宰相樞使大夫侍中太尉己
下皆分命蕃漢人為之文資則幞頭鞞笏紫衣緋衣武職則冠金帖起雲鏤冠
銀帖閒金鏤冠黑漆冠衣紫旋欄金塗銀束帶垂蹠躡佩鮮結錐短刀弓矢韞
馬乘鯢皮鞍垂紅纓打跨鈹拂便服則紫阜地繡盤毬子花旋欄束帶民庶青
綠以別貴賤每舉兵必率部長與獵有獲則下馬環坐飲割血而食各問所見
擇取其長初宋改元明道元昊避父諱稱顯道於國中景祐元年遂攻環慶路
殺掠居人下詔約束之是歲改元開運踰月或告以石晉敗亡年號也乃改廣
運元年慶州柔遠砦 部巡檢 攻 後橋諸堡於是元昊稱兵報仇緣邊

都巡檢楊遵柔遠砦監押盧訓以兵七百與戰於龍馬嶺敗績二年加兼中書令攻唃廝囉取瓜沙肅三州復舉兵攻蘭州諸羌侵至馬銜山築城兀川 昊既悉有夏銀綏宥靜靈塩會勝甘涼瓜沙肅而洪定威龍皆即堡鎮號為州仍居興州阻河依賀蘭山為固始大建官以嵬名守金張涉張絳楊廓徐敏宗張文顯主謀議以鍾鼎臣典文書以成逋克成賞都卧移如定多多馬竇惟吉主兵馬野利仁榮主蕃學置十二監軍司委豪右分統其衆北備遼南備環慶鄜延西備吐蕃回紇又駐兵為鎮守總十五萬元昊自製蕃書命野利仁榮譯之成十二卷字形體方整類八分而畫頗重複教國人紀事用蕃書而譯孝經爾雅四言雜字為蕃語復改元大慶宋寶慶元年表遣使詣五臺山供佛實欲窺河東道路與諸豪歃血約先攻鄜延欲自靜德塞門砦赤城路三道并入遂築壇受冊即皇帝位改元天授禮法延祚國號夏時年三十詔削奪官爵互市揭

橫山縣志

卷二

五十五

榆林 東順齋石印

榜於邊募人能擒元昊若斬首獻者即為定難軍節度使又遣賀永年賫嫚書納旌節及所授敕告置神明匣留歸孃族而去康定元年攻金明破安遠塞門永平諸砦圍延州又攻鎮戎軍執宋劉平石元孫李士彬等慶曆元年二月攻渭州逼懷遠城韓琦巡邊至高平盡發鎮戎兵及募勇士得萬人命行營總管任福等併將之都監桑懌為前鋒鈴轄朱觀都監武英繼之其夕宿三川夏人已過懷遠東南翌日諸軍躡其後西路巡檢常鼎劉肅與夏人對壘於張家堡懌以騎兵趨之牒傳敵兵少福等頗易之薄暮與懌合軍屯好水川觀英為一軍屯龍落川相離五里期以明日會兵川口詰旦福與懌循好水川西去米至羊牧隆城五里與夏軍遇方知墮敵計中懌為先鋒見道傍置數銀泥合封襲謹密中有動躍聲疑莫敢發福至發之乃縣哨家鴿百餘自合中起盤飛軍上於是夏兵四合懌先犯中軍繼之自辰至午酣戰陣中忽樹鮑老旗長二丈餘

懌等莫測既而鮑老揮右則右伏出揮左則左伏出翼而襲之宋師大敗任福懌肅及福子懷亮皆戰歿將校士卒死者萬三百人關右震動琦上章自劾奪一官徙知秦州秋轉攻河東及麟府不克乃引兵攻豐州據之元昊雖數勝然死亡創痍相半國中怨之會遼主遣使諭元昊與宋和元昊乃歸塞門皆主高延德因乞和知延州范仲淹為喻以禍福元昊復書語猶嫚仲淹對使焚之朝議以仲淹不當擅通書又不當擅焚之宋庠請斬仲淹乃降知耀州時知延州龐籍謀招附知清澗城种世衡用計遣其親信野利旺榮書遂稱臣如舊三年復詔籍招納元昊以書議和然不肯削僭號詔籍復書明年遣使來猶稱男邦泥定國兀卒上書父大宋皇帝更名曩霄而不稱臣兀卒即吾祖也議者以侮玩朝廷不可許遣使更議且許封為夏國主四月金党項及山西節度使屈烈以五部叛入夏遼主詔諸道兵討之十月元昊上表請罪親率党項三部降

橫山縣志

卷二

五十六

榆林東順齋石印

於遼四年元昊上誓表稱臣凡歲賜銀綺絹茶二十五萬五千如常數許之遣使行冊禮賜夏國主印約稱臣奉正朔改所賜敕書為詔而不名許自置官屬使至其國用賓客禮置榷場於保安軍及高平皆第不通青鹽然宋每遣使往徂館于宥州終不使至興靈而元昊帝其國中自若也八年正月卒宋遣使如故事厚賜焉諡武烈皇帝廟號景宗墓號泰陵子諒祚立諒祚景宗長子也小字寧令哥國語謂歡喜為寧令母曰宜穆惠文皇后沒藏氏方期歲即位遼主以伐夏來告皇祐元年遼俘諒祚母及夏人置於薊州嘉祐六年上書自言慕中國衣冠明年詔許之治平三年大舉攻大順城圍柔遠皆燒屈丐村蕃官趙明擊退之遣使詰之乃獻方物謝罪是年十月种諤取綏州脇降嵬名山諒祚詐為會議誘殺知保安軍楊定等事聞命韓琦知永興軍經畧西方諒祚錮送殺定者數人十二月諒祚卒年二十一諡昭英皇帝廟號毅宗墓號安陵子秉

常立

西夏傳下

秉常毅宗之長子母曰恭肅章憲皇后梁氏治平四年冬即位時年七歲梁太后攝政熙寧二年冊秉常為夏國主三月夏人入秦州陷劉溝堡殺范愿既而進誓表又請以安遠塞門二砦易綏州三年五月夏人號十萬築鬧訛堡知慶州李復圭合蕃漢兵才三千偏遣偏將李信劉甫种詠等出戰大敗復圭劾誅詠等故違節制以自解復出兵攻州堡夜入欄浪市襲金湯殺掠老幼數百人以捷聞邊怨于是大起矣八月夏人寇環慶攻大順城柔遠砦荔原堡兵多者號二十萬少者不下一二萬屯榆林游騎至慶州城下九日乃退鈐轄郭慶高敏魏慶宗秦勃等死之四年种諤謀取橫山先城囉兀進築永樂川賞逋嶺二砦分遣都監趙璞燕達築撫寧故城及分荒堆三泉吐渾川開光嶺葭蘆川四

橫山縣志

卷二

五十七

榆林東順齋石印

寨已而夏人來攻順寧砦遂圍撫寧新築諸堡悉陷將士沒者千餘人詔棄囉兀城治諤罪責授汝州團練副使潭州安置韓降坐興師敗劾罷知鄧州九月夏人遣使人貢且乞綏州易二砦如舊約詔不允元豐四年有李將軍清者說秉常以河南地歸宋梁后知之遂誅清而奪秉常政鄜綏總管种諤乃疏秉常遇弑國內亂宜興師問罪此千載一時也帝然之遂遣王中正往鄜延諸路并詔熙河李憲等大舉征夏八月憲總七軍及董氈兵三萬至新古城遇夏人戰敗之王中正出鄜州環慶經畧使高遵裕涇原總管劉昌祚出慶州諤將鄜延及畿內兵出綏德城九月諤圍米脂夏人來救戰於無定川大破之斬首五千級十月遂克米脂降守將令介訛遇進攻石州中正以河東軍渡無定河循水北行地皆沙濕土馬多陷沒裕乃引軍還初夏人聞宋大舉梁太后問策於諸將對曰不須拒之但堅壁清野縱其深入聚勁兵於靈夏而遣輕騎抄絕其餽

運可不戰而困也宋師果無功五年五月沈括請城古烏延城以繞橫山使夏人不得絕沙漠遂遣侍中徐禧內侍押班李舜舉往議禧復請于銀夏宥之界築永樂城依山無水泉獨種諤極言不可禧率諸將竟城之賜名銀川砦禧等還米脂以兵萬人屬曲珍守之永樂接宥州附橫山夏人必爭之地禧等既城去九月夏人來攻城遂陷高永能戰沒禧舜舉運使李稷皆死之是役也死者將校數百人士卒役夫二十餘萬夏人乃耀兵米脂城下而還宋自熙寧用兵以來凡得葭蘆吳堡義合米脂浮圖塞門六堡而靈州永樂之役官軍熟羌義保死者六十萬人錢粟銀絹以鉅萬萬計帝臨朝痛悼而夏人亦困弊矣六年遣使謨箇咩迷乞遇來貢元祐元年六月復遣訛羅聿來求所侵蘭州米脂等五砦司馬光言此乃邊鄙安危之機不可不察今惜此無用之地使兵連不解願決聖心為兆民計文彥博博與光合從之秋七月乙丑秉常殂時年三十六

橫山縣志

卷二

五十八

榆林東順齋石印

在位二十年諡曰康靖皇帝廟號惠宗墓號獻陵子乾順立乾順惠宗之長子也母曰昭簡文穆皇后梁氏生三歲即位元祐二年冊乾順為夏主仍節度西平王四年六月稍歸永樂所獲吏士一百四十九人遂以葭蘆米脂浮圖安疆四砦與之六年七月遣使來賀坤成節九月圍麟府鄜延都監李儀等盡沒七年屢攻綏德城以重兵壓涇原境畱五旬大掠築壘於沒煙峽口八年四月夏人自得四砦連歲擾邊至是復遣使以蘭州易塞門二砦詔數其違順不常却之紹聖三年九月大入鄜延十月至金明列營環城縱騎四掠知麟州有備復攻破金明皇城使張俞死之四年正月涇原都鈐轄王文振率諸將破沒煙峽砦二月復以七萬衆攻綏德鄜延將與戰退之知渭州章粦上言城葫蘆河川據形勝以徧夏朝廷許之遂築二砦於石門峽江口好水河之陰賜名曰平夏城靈平砦章惇因請絕夏人歲賜而命沿邊諸路相繼築城於要害以進拓境

士凡五十餘所秋八月鄜延經略使呂惠卿乞諸路出兵乘便討擊遂遣將王愍攻破宥州尋又奏築威戎威羌二城元符元年冬十月夏人圍平夏章竊禦之獲其勇將嵬名阿理西壽監軍妹勒都逋斬獲甚衆夏人震駭捷至帝御紫宸殿受賀竊在涇原日久嘗言夏嗜利畏威不有懲艾邊不得休息宜稍取其土疆如削地之制以固吾圉由是創州一城砦九屢敗夏人而諸路多建城砦以逼夏及平夏之捷夏人不復振建中靖國元年乾順始建國學設弟子員三百立養賢務以廩食之崇寧三年遼以成安公主嫁乾順冬十二月以陶節夫經制陝西河東五路初蔡京任節夫帥鄜延節夫誕妄特甚每進築一城寨即奏云此西人要害未一年自常調遷至樞密直學士然未嘗遣一騎一卒出寨而所築之城又皆遠靈武數百里之地夏所不爭故得冒功論賞而京刀主之故有是命四年詔西邊能招致者毋問首從賞同斬級令用蔡京計也陶節夫

橫山縣志

卷二

五十九

榆林東順齋石印

在延州大加招誘乾順遣使巽請皆拒之又令殺其牧放者夏人遂入鎮戎略數萬口執知廓州高永年而去殺之已而羌衆復焚大通河橋新疆大震事聞帝怒親書五路將帥劉仲武十八人姓名敕御史侯蒙往秦州逮治獄既具蒙奏言漢武帝殺王恢不如秦穆公赦孟明子玉縊而晉侯喜孔明亡而蜀國輕今羌殺吾一都護而使十八軍將由之以死是自戕其枝體也欲身不病得乎帝悟釋不治又攻湟州自是兵連者三年大觀元年始遣人修貢政和四年乾順築藏底河城遂詔河東節度使童貫為陝西經畧以討之六年种師道以十萬衆攻藏底河城克之宣和元年童貫逼熙河經畧劉法使取朔方法不得已引兵二萬出至統安城敗績遯走至盍朱崕為一別瞻軍斬首而去是役死者十萬貫隱其敗而以捷聞夏兵遂乘勝圍震武劉仲武何瓘等赴之乃解去先是金人滅遼黏罕遣撤拇使夏國許割天德四軍及八館地約攻麟州以牽河東

之勢靖康元年三月夏人遂由金肅河清渡河取天德雲內武州河東八館之地津四月陷震盛城兵馬監押朱昭死之繼而金貴人兀室以數萬騎至天德逼逐夏人悉奪有其地夏人請和乾順改元正德時建炎元年也二年正月以主客員外郎謝亮為陝西撫諭使詔乾順約和罷兵未幾夏兵襲取定邊軍三年二月金帥婁宿連陷長安鳳翔隴右大震夏人謀知關陝無備遂檄延安府言大金割鄜延以隸本國須發兵帥臣王庶因遣諜間其用事臣李遇夏人竟不出是歲開封尹宗澤奏疏請北伐且言乞遣辯士西說夏國東說高麗俾出助兵三年知樞密院事張浚使川陝謀北伐欲通夏國為援奏請國書詔從之復以謝亮往迄不得其要領而還紹興五年乾順改元大德七年十月偽齊知同州李世輔奔夏九年五月世輔復以其衆三千人歸宋六月四日乾順殂年五十七在位五十四年諡曰聖文皇帝廟號宗慕號顯陵子仁孝嗣仁孝崇宗長

橫山縣志

卷二

六十

榆林東順齋石印

子也即位時年十六十年夏改元大慶三月詔胡世將與夏人議入貢夏人不報十三年夏改元人慶始建學校於國中立小學於禁中親為訓導十五年八月夏主詣太學釋奠弟子員賜予有差十六年尊孔子為文宣帝十七年改元天盛策舉人十年復建內學選名儒主之二十八年律成賜名鼎新始立通濟監鑄錢三十年夏封其相任得敬為楚王三十一年立翰林學士院以焦景顏王僉等為學士俾修實錄金主亮犯四川宣撫使吳璘檄西夏俾合兵討之三十三年始封制蕃字師野利仁榮為廣惠王乾道三年五月夏國相任得敬遣間使至四川宣撫司約其攻西蕃虞允文報以蠟書四年夏改元乾祐得敬以謀篡伏誅初仁孝嗣位其臣屢作亂任得敬抗禦有功遂相夏國二十餘年陰蓄異志仁孝不能制乃分西南路及靈州囉龐嶺地與得敬自為國且工表金世宗為得敬求封金主不許仁孝乃謀誅之乾道八年金主謂宰臣曰夏國以

珠玉易我絲帛是以無用易我有用也乃減罷保安蘭州榷場又罷綏德榷場止存東勝環州而已仁孝表請復置蘭州保安綏德榷場如舊紹熙四年九月二十日仁孝殂年七十在位五十五年諡曰聖德皇帝廟號仁宗陵號壽陵子純佑嗣純佑仁宗長子也母曰章獻欽慈皇后羅氏仁宗殂即位時年十七明年改元天慶開禧二年正月二十日廢遂殂年三十在位十四年諡曰昭簡皇帝廟號桓宗陵號莊陵鎮彝郡王安全立安全崇宗之孫越王仁友之子開禧二年正月廢其主純佑自立明年改元應天嘉定四年八月安全殂年四十二在位六年諡曰敬穆皇帝廟號襄宗陵號康陵有子曰承禎齊國忠武王彥宗之子大都督府主遵頊立遵頊始以宗室策試進士及第為大都督府主嘉定四年七月立時年四十九改元光定五年攻金之葭州及保安州六年攻金會州及涇州未幾又攻金之慶原延安積石州都統姜伯通敗之八年攻金之環

橫山縣志

卷二

六十一

榆林東順齋石印

州刺史烏古論延壽敗之於境上又攻保安及延安都統完顏國家奴破之又敗之於克戎寨宰相入賀金宣宗曰此忠賢之力也又進圍臨洮陀滿胡土門破之九年金慶陽總管慶山奴伐夏出環州敗之於阿彌灣殺其將士百餘人金宣宗與皇太子議伐夏左監軍陀滿胡土門延安總管古里甲石倫攻鹽宥夏州慶陽總管慶山奴知平涼府移刺答不也攻威靈安會等州夏兵三萬自寧州遠慶山奴以兵邀擊敗之宣宗欲與夏議和右都監慶山奴屯延安奏曰夏國決不肯和徒見欺耳既而獲諜者言遵頊項聞金將約和戒諭將士無犯西鄙宰臣奏曰就令如此邊備亦不宜弛宣宗以為然右都監完顏閻山敗夏兵於黃鶴岔都統羅世暉却夏兵於克戎寨十一年五月夏人入葭州慶山奴破之於馬吉峰十二年閏月三夏人破金之通秦寨提控納合買主擊敗之自葭蘆川遯去華州元帥完顏合達出安塞堡至隆州敗其兵二千進攻隆州克其西

南會暮乃還十三年金元帥慶山奴攻宥州圍神堆府穴其城夏人陷金之會州又自高峰鎮圍定西刺史愛申阿失刺擊走之九月圍綏平寨安定堡未幾陷西寧州遂攻定西提控烏古論長壽擊却之十四年金詔樞密院議夏事奏曰夏人聚兵境上欲由會州入已遣行省白撒伏兵險要以待之鄜延元帥府伺便發兵以綴其後足以無慮十六年遵瑣使其太子德旺伐金德旺諫曰彼兵勢尚疆不若與之約和遵瑣笑曰是非爾所知也彼失蘭州竟不能復何疆之有德旺固諫不從乞避太子位願為僧遵瑣怒幽之靈州遣人將伐金會天旱不果是歲元兵問罪夏國自金太宗議和八十餘年與夏人未嘗有兵革之事及宣宗之初小有侵掠以至構難十年不解一勝一負精銳皆盡而兩國俱敝是歲遵瑣傳位於子德旺而和議成遣吏部尚書李仲諤修好於金稱弟而不臣各用本國年號金遣禮部尚書奧敦良弼報之寶慶二年春遵瑣殂年六

十四諡曰英文皇帝廟號神宗七月德旺殂年四十廟號獻宗清平郡王之子南平王覲立二年寶慶三年秋為元所滅凡二百五十八年而亡

